



UNIVERSITÄTS-
BIBLIOTHEK
PADERBORN

Universitätsbibliothek Paderborn

**EPISTOLAE TRES AD || D. IOANNEM PAPPVM ||
THEOLOGVM LVTHE-||RANVM:|| PRIMA, Excitoria, cùm in
seruando iureiurando Emetingæ facto, ne-||gligentior
esset Pappus.|| SECVNDA, Refutatoria Parallelorum ...**

Pistorius, Johann

COLONIAE, 1594

VD16 P 3042

[Text]

urn:nbn:de:hbz:466:1-43314

PARALLEL A
DOCTRINAE
LUTHERI ET
HUVSSII.

Ex quibus clarissimè cognoscitur, in nullo prorsus inter Catholicos & Lutheranos controuerso articulo consentire Lutherum cum Husio: nec plus praesidijs postum esse Lutherò in Ecclesia Hussita, quam est in Ariana vel

Turcica.

PARALLELVM PRIMVM.

L V T H E R V S.
SOLA Fides iustificat & saluat.

C O N T R A inquit H U S S I V S.
In Epistolam Iacobi cap.2. Fides, quæ per dilectionem non operatur, mortua est, inefficax ad salutem: mortua, quia sensu caret, & motu; non sentiens delectationē, quæ est in charitate ante motum boni operis, in semetipsa, ut inferius ponetur. Et sicut non reficitur pauper solo verbo misericordię; sic nec homo saluabitur sola fide. Vnde dicitur: Nunquid fides poterit saluare eum sine operibus? quasi dicat, Minime. Fides enim informis non valet ad emptionem beatitudinis, quāvis valere possit ad evitatem grauioris damnationis: sed viuiscatur per charitatem operantem &c. Sed contrà Mar. vlt. Qui creditur & baptizatus fuerit, saluus erit: Ergo sola fides sine operibus sufficit ad salutem. Solutio. Illa authoritas in-

S U T

a telli-

2 PARALLELA DOCTRINAE

telligitur de fide perfecta per dilectionem operante. Et sic soluit glossa. Vel potest dici, quod verba illa intelligentur de pueris baptizatis, nonum habentibus facultatem operandi. Vel potest dici, quod intelligantur de fide formata: Iacobus vero de fide informi. Similiter illud Rom. 3. Arbitramur hominem per fidem iustificari sine operibus legis, id est, cæremonijs legalibus. Haec tenus Husius Tom. 2. Nürnberg. Anno 1558. publicatæ editionis, fol. 131.

2. Ibidem paulo ante. Glossa interlin. dicit: Debetis bene agere, quia falluntur qui solam fidem sufficere credunt. Et ideo quid prodest? quasi dicat, penitus nihil (prodest) fides talis; sed illa, quæ operatur per charitatem. Gal. 5. De qua Hebr. II. Sine fide impossibile est placere Deo.

3. Tom. 2. fol. 216. Omnis qui credit &c. 1. Ioan. 5. Credit, supple, fide formata, non informi. gloss. Credit, id est, vivit sicut Christus præcepit: quia aliter & dæmones credunt, Iacob. 2.

4. Tom. 1. fol. 131. Dicit, Fides sine operibus, non dicit, sine opere: quia credere est opus fidei, quod tamen non facit fidem viuam sine operibus, quia non fit ex charitate. Fidem enim sequuntur duo actus, scilicet, interior, qui est credere; & exterior, qui est bene operari credendo.

5. Tom. 2. fol. 131. Sed contraria dicitur Rom. 3. Iustificati gratis per sanguinem. Item, Si gratia, iam non ex operibus. Solutio. Hæc intelliguntur de fide operante per dilectionem, ut patet Gal. 5.

6. Ibid. fol. 132. b. Homo, qui habet tempus operandi, non iustificatur ex fide tantum: quando tamen non adest tempus operandi, sufficit sola fides, (scilicet formata) sicut patet de latrone, cui dictum est propter fidem cordis & confessionem oris, Hodie mecum eris in paradyso. Cum autem adest tempus operandi, tunc nec sola fides, nec opera tantum sine fide, sed utrumque necessarium est ad salutem & iustitiam. Fides enim sine operibus mortua

tua est, & item sine fide impossibile est placere Deo.

7. *Tom. i. fol. 208.* Quicunque habuerit fidem charitate formatam in communi, sufficit cum virtute perseverantiae ad salutem. Deus enim, qui dedit primam fidem, dabit militi suo multò clariorem, nisi ponat obicem.

8. *Ibidem.* Secundum quod duplex est fides: Vna informis, ut credunt dæmones, & contremiscunt. Alia est fides charitate formata: Ista cum perseverantia saluat, sed non prima. Vnde quò ad secundam dicitur *Ioan. 3.* Qui credit in filium Dei, habet vitam æternam. Et Petro habenti & confitenti illam fidem, dixit Saluator: Beatus es Bariona. Et illa fides est fundamētum aliarum virtutum, in quibus Ecclesia Christi conuersatur.

9. *Tom. 2. fol. 210. b.* Et hoc est mandatum (Mandatum primum & præcipuum de Deo, quod est fundamentum aliorum) ut credamus (fide operemur per dilectionem) in nomine filij eius.

PARALLELUM II.

LUTHERVS.

Charitas non est forma fidei, nec vita fidei.

CONTRA HVSSIUS.

1. *Tom. 2. fol. 131.* Fides sine operibus mortua est in semetipsa, quia non est coniuncta principio vitae, scilicet, charitati. Forma namque fidei, qua fides viuificatur, charitas est.

2. *Ibid. fol. 133. b.* Fides sine operibus (id est, sine dilectione operante, quæ est vita animæ, ut *i. Ioan. 3.* Translati sumus de morte ad vitam, quia diligimus fratres.) mortua est, quia nihil prodest. Vnde Anselmus: Non absurdè dicitur fides viuere operosa, quia habet vitam dilectionis, sine qua non operatur.

3. *Tom. 2. fol. 131.* Fides viuificatur per charitatem operantem.

4 PARALLELA DOCTRINAE

4. Tom.1. fol.49. Fides criminosi hominis caret forma charitatis, seu dilectionis Dei, & sic est mortua. Vide 4.7. & 8. testimonium praecedentis Paralleli.

PARALLELVM III.

LVTHERVS.

Sola fides habet vim saluandi, non spes, non charitas.

CONTRA HVSSIVS.

1. Tom.1. fol.208.b. Sola fides formata charitate cū perseverantia saluat, & de hac intelligenda sunt dicta Scripturae, Qui credit in filium, habet vitam æternam. Vide primi Paralleli testimonia omnia.

2. Tom.2. fol.216.b. Qui crediderit & baptizatus fuerit, saluus erit; si crediderit charitatiuè finaliter; sic enim ibi accipitur credere, sicut & ibidem Ioan.3. Qui credit in filium Dei, habet vitam æternam. Ergo malè arguitur, Quicunque credit in filium Dei, habet vitam æternam &c. Sed sic debet exponi argumentum, Quicunque credit charitatiuè perseveranter in filium Dei, & tunc consequentia erit bona.

3. Tom.2. fol.91.b. Qui credit Christum esse verum filium Dei, & verum hominem, & omnia credenda de Christo, de eius diuinitate & humanitate, & discredit omnia discredēda, ille haberet fundamentum in Christo positum suæ domus spiritualis, super quo debet spem, quæ est certa expectatio beatitudinis ex Gratia & Meritis proueniens, ædificare &c. & tūc debet charitas, quæ operit multitudinem peccatorum, super spe erigi, ut homo ex spe ista Christum, quia summè bonum, super omnia diligat, copuletque in Christo tanquam in angulari lapide & capite domus vel templi spiritualis tectum charitatis proximi, diligens in Christo proximum sicut seipsum: & tunc erit templum integratum & firmum, quod non poterit viola-

violari à diabolo, nec moueri à temptationibus ut ruit &c.
Vnde quod ad hoc dicit Dominus Luc.6. Omnis qui venit ad me (scilicet per fidem) & audit sermones meos, (specrando beatitudinem) & facit eos, (per dilectionem) ostendam vobis, cui similis sit &c.

4. Tom.2.fol.209.b. & 210.b. Quicquid petiuemus à Deo, (ex radice charitatis digna scilicet petitione) accipiemus ab eo.

PARALLELUM III.

LUTHERVS.

Fides informis somnium est, iustificat autem fidem non necesse est formatam esse charitate. Tom.1. Latin. fol. 490. & 502.

CONTRA HVSSIUS.

1. Locis omnibus suprà adductis, ubi semper informem opponit formatæ, & iustificationem solum formatæ ascribit. Vide omnia testimonia Parall.priorum.

2. Sic Tom.1.fol.49. Patet, quia quicunque non amat Deum super omnia, ille non credit in eum; & sic nullus nomine tenus Christianus existens in crimen, credit in Deum, quamvis credit Deum & Deo, sed per actum fidei informem, sicut dæmonia. Fides enim criminis hominis careret forma charitatis, siue dilectionis Dei, & sic est mortua.

PARALLELUM V.

LUTHERVS.

Fides infusa non potest stare cum peccato mortali.
Tom. Latin.1. fol. 502.

CONTRA HVSSIUS.

1. Tom.1.fol.49. Ut iam in testimonio 2. Paralleli quarti ascri-

a 3 ptum

S P A R A L L E L A D O C T R I N A E
primum est, ubi ait, criminosum habere fidem, sed informem,
& sine forma charitatis, eoque mortuam.

2. *Tom. 2. fol. 131.* Credere est opus internū fidei, quod tamen non facit fidem viuam sine operibus, quia non fit ex charitate.

3. *Tom. 1. fol. 209.* Potest aliquis firmum habitum credendorū habere, & tamen ab actu operis Meritorij propter vitam inordinatam deficere.

P A R A L L E L V M VI.

L V T H E R V S.

Fides acquisita & generalis est somnium. *Latin. Tom. fol. 490.*

C O N T R A H V S S I V S.

1. *Tom. 1. fol. 208. b.* Catholicus habens habitum fidei infusum vel acquisitum, explicitè credit Ecclesiam Catholicam in communi, & in illa fide communi credit implicitè quocunque singulariter contentum sub sancta matre Ecclesia: Similiter credēdo quicquid voluit Christus de se credi, & non credendo quod noluit de se credi, in hoc credit omnem articulum siue affirmatiuum siue negatiuum de Christo credibilem. Et illam fidem implicitè habuit Petrus, dum expressè confitebatur Christum esse verum Deum &c. Vnde quicunque habuerit fidem charitate formatam in cōmuni, sufficit cum virtute perseverantiæ ad salutem. Deus enim qui dedit primam fidem, dabit militi suo multò clariorem, nisi ponat obiciem. Non enim exigit Deus, ut omnes filii sui sint continuò pro sua in actu cogitandi particulari de qualibet fidei particula: sed satis est, quod postposita desidia habeat fidem in habitu formatam.

2. *Tom. 2. fol. 117. b.* Actus fidei secundum Theologos est pura adhæsio veritati catholicæ &c. & illa vocatur fides infu-

infusa. Secundò, Fides secundum actum contractum est credentia, qua quis firmiter adhæret veritati catholicæ ab intuitione eius abscondita, sine hoc quod sciat illam ostendere ratione naturali, sed solùm per locum ab authoritate Dei, vel creaturæ rationalis ut signi eorum.

PARALLELVM VII.

LUTHERVS.

Opera ad salutem nihil conferunt.

CONTRA HVSSIVS.

1. Tom.2. fol.98. b. Iustificati estis in nomine Domini nostri Iesu Christi, id est, iustificati estis per operationem bonorum.

2. Tom.2. fol.171. Charitas operit multitudinem peccatorum, id est, delet peccata. Luc.7. Remittuntur ei peccata multa, quoniam dilexit multum.

3. Ibid. fol.227. b. Sicut illi (qui per baptismum facti fideles redeunt ad priores concupiscentias) primò per fidem & bona opera merentur saluari; sic secundò per murmurationem & immunditiam merentur damnari.

4. Ibid. fol.87. b. Christus factus est nobis, scilicet per gratiam bonæ operationis contra malitiam.

5. Ibid. fol.276. Mandata Domini apud Dominum iustificant eos, qui ipsa finaliter adimplent.

6. Tom.2. fol.133. Iacobus ait iustificari ex operibus hominem. Sed contrà dicitur Rom.4. Si enim Abraham ex operibus iustificatus est, habet gloriā, sed non apud Deū. & Rom.3. Ex operibus legis non iustificatur omnis caro. Solutio. Paulus loquitur ibi contra illos, qui dicebāt cæremonias legis esse opera necessaria ad salutē, quæ tamen cessauerunt in morte Christi quantum ad efficaciam. Hic autem ponitur exemplum de obedientia Abrahæ ad Deum procedente ex magna dilectione Dei, quæ semper manet

tranet efficax ad salutē. Vel soluitur aliter, scilicet, Quod Abraham non fuit iustificatus ex operibus ante fidem; sed hīc loquitur de operibus sequentibus fidem, quæ dicuntur iustificare, quia ipsam perficiunt & conseruant: quia tunc res fieri dicitur, quando perficitur, vel quando innotescit. Vbi dicit glof. Licet Abraham per fidē, quam habebat, iustus erat; tamē per opera, quæ addidit, amplius est iustificatus, quæ si non fecisset, meritum præcedentis fidei amisisset.

7. *Ibid. ex Beda.* Offerens per fidem antea erat iustus: per opera fides est augmentata & cōprobata. *Et paulo post.* Fides, per quam antè iustus erat, duxit eum ad opera, quæ nō essent meritoria sine fide, sine qua impossibile est placere Deo.

8. *Tom. 2. fol. 168. b.* Baptismus, si baptizatus credidit meritorie viuendo, saluos nos facit per resurrectionem Domini.

PARALLELUM VIII.

LUTHERVS.

Opera non merentur vitam æternam, non debet aliquis bene operans sperare mercedem vitæ æternæ.

CONTRA HUSSIVS.

1. *Tom. 2. fol. 273.* Beatitudo est duplex: Una, quæ habetur in se, & hoc solum in patria: alio modo in spe, & sic habetur in via per bonorum operum merita.

2. *Paulo antè.* Iustitia perfecta est, per quam quis fit iustus, & in virtutibus consummatus, ita quod ex merito sit ad præmium beatitudinis (quæ est præmium iustitiae) immediatus.

3. *Ibid.* Beati immaculati, id est, carentes macula mortalis peccati in via vitæ præsentis, qui ambulant in lege Domini, mandata eius opere adimplendo: quia non sufficit

ficit declinare à malo, sed requiritur facere bonum.

4. Tom. 2. fol. 50. b. Nemo recipit de mercede post hanc vitam, nisi secundum quod meruit in hac vita. Patet ex hoc, quia solus status viatoris est meritorius status p̄mij beatitudinis sic merenti. Paulò p̄st. Sancti suffragantur homini in Purgatorio proportionaliter ut meruit h̄c in via, quia solum h̄c est locus merendi, loquendo de merito, quod est libera Dignificatio ad beatitudinem. Et h̄c scripsit Hussius Anno 1411. triennio ante Concilium.

5. Tom. 2. fol. 117. b. vt suprà. Et præterea perfecta patientia operatur beatificationē, quam addit Saluator Matth.

5. Beati qui persecutionem patiuntur propter iustitiam. Ecce opus perfectum, scilicet Beatificationem formatam passiva potentia habet &c.

6. Tom. 2. fol. 30. Timor & amor filialis sunt mensuræ præcipuæ totam vitam meritoriam hominis mensurantes. Et paulò antè. Deus est bene operantium summè præmiatus.

7. Tom. 2. fol. 49. Diuitiae sunt merita viuentibus ad meritorie operandum. Et fol. 50. Oportet supponere remunerationem animæ, prout meruit in corpore, iuxta illud Matth. 16. Reddet unicusque iuxta opera sua &c. Deus enim fieret iniustus iudex & Dominus, si non daret præmium hominibus correspondenter ad Merita.

8. Rursus fol. 50. b. Christus est homo fundamentaliter promerens humano generi beatitudinem, sic quod nemo aliis, nisi virtute huius lapidis promeretur. Ex quo patet, quod multum prodest superstitem esse in gratia. Nam tunc merendo sibi ipsi amplificat meritum Ecclesie militantis, & per consequens Meritum purgandorum. Ex isto patet, quod qui vult suffragari mortuis, debet à se ipso incipere vitam bonam, & per consequens ut sibi mettereatur suffragia in futurū: sic enim oportet quemque in gratia Dei ratione Meriti Christi & sui confidere, cùm nemo possit alteri mereri, nisi sibi taliter mereatur;

b

nec

nec debet in alterius suffragio spem ponere, ut post mortem purgetur, sed debet per seipsum amando quantumcunque potest, meritorie operari.

9. *Ibid. fol. 120.* An tribulationes temporales sint meritoriae? Videtur quod non &c. Oppositum est in litera. Solutio. Tribulationes ex proprio peccato inflictae, & ex natura inflictae, de se non sunt meritoriae; tamen possunt esse ex parte patientis, si humiliter tolerantur. *Sic vitam hominis meritoriam vocat Tom. I. fol. 51.*

10. *Ibid. fol. 244. post meritum iustorum subdit præmium ipsorum.* & *fol. 246. & 247.* Cor viri iusti paratum esse (gratia Dei & meritis precedentibus) sperare in Domino, qui est pius retributor. & *fol. 247.* Iustitia iusti (largitio eleemosynarum) manet (quod ad meritum) æternaliter. Constituit enim sibi eleemosynam perpetuam, & censem permanentem.

11. *Tom. 2. fol. 329. b.* Aliquando præueniuntur preces iustorum (exaudiendo) cum plena sunt merita.

12. *Tom. 2. fol. 317.* Dubitatur hic ex Augustino, Quia iustificationes Dei hic sunt opera, quæ operamur circa proximorum necessitates, illa vero æterna esse non possunt, sicut nec ipsorum necessitudo vel miseria: quomodo ergo iustificationes Dei sunt facienda in æternum? Solutio. Quia in dilectione debent esse illa opera, & dilectio æterna est, & sic debent esse æterna. Inde est, quod iustificationes ratione finis sunt æternæ. Vnde dicit Aug. Si non diligendo ista faciamus, nulla est iustificatio; si autem diligendo, æterna est dilectio, eiique parata est æterna Retributio, propter quam retributionem dicit inclinasse cor suum ad faciendas iustificationes Dei, ut in eternum diligens, in eternum mereatur habere quod diligit. *Hec Aug. & ex eo Husius.*

13. *Tom. I. fol. 181.* Intelligitur de illis, quorum merita ligari vel solui postulat &c. Cum igitur Christianus nullum habilitet, nisi forsitan orando, prædicando, vel mendendo,

rendo, patet quòd oportet. Iei habitationem præcedere, ut Deus habilitet hominem secundum merita eius.

14. Tom. 1. fol. 148. Deus non ad personas, sed ad merita respicit. quæ per totum Hüssium frequentissimè leges; sicut Tomo 2. fol. 210. vult, ut quicquid agamus, faciamus pro mercede æterna &c.

15. Tom. 2. fol. 173. Difficultas saluationis est in medio, quo mediætè fit saluatio: multa enim iusta apud nos esse videntur, quæ apud Deum sunt iniusta. ubi de operibus loquitur, & nominat opera medium, quo mediante fit saluatio.

16. Tom. 2. fol. 232. b. vel pp. 8. b. Sed hīc obijcitur contra illud, quod dictum est antè, scilicet, Expectantes vitam æternam ex misericordia. Nam si vita æterna datur ex meritis, ergo ex iustitia, & per consequens non ex misericordia. Solutio. Vita æterna datur ex misericordia, & gratia, & iustitia. Ex misericordia datur quòd ad radicem meriti, quæ est ex gratia; & quòd ad mensuram remunerationis, quæ est supra condignum, de qua Rom. 8. Non sunt cōdignæ passiones huius temporis &c. Quòd ad opera verò facta ex conuentione diuina ipsius operantis, datur (vita æterna) ex iustitia.

17. Vide infrà testimonium nonum Paralleli decimi tertij, & Parallelum decimum sextum.

PARALLELVM IX.

L V T H E R V S.

Vna est iustitia, non maior, non minor, qua iustificamur.

CONTRA HVSSIVS.

1. Tom. 2. fol. 133. Credidit Abraham Deo, & reputatum est ei ad iustitiam, scilicet, ampliorem: quia per fidem, quam Deus ei per gratiam impendit, iustum cum reputauit, (scilicet per fidem formatā) ut paulò antè loquitur.

b 2

2. Ibid.

2. *Ibid.* Ex operibus sequentibus fidem iustificatur homo, id est, magis iustus efficitur. *Vide testimonium 6. Parallelē 7.*

3. *Tom. 2. fol. 273.* Iustus generalis intelligitur iustus secundum omnem statum & modum iustitiae sufficientis ad salutem. Quæ est triplex, scilicet incipiens, perficiens, & perfecta. Iustitia incipiens & secundum illam iustificatio est, per quam de impiis fit iustus, & est primus actus per gratiam de vitijs ad virtutes, & hæc iustificatio prima pertinet ad conuersos, & ad tempus conuersionis. Vnde Ezech. 18. Cùm auerterit se impius ab impietate sua &c. Iustitia perficiens est, per quam fit iustus perfectus eundo de virtute in virtutem. Iustitia perfecta est, per quā quis fit iustus, & in virtutibus consummatus, ita quòd ex merito sit ad præmium beatitudinis (quæ est præmium iustitiae) immediatus.

4. *Tom. 2. fol. 281.* Iustificationes dicuntur (in Psalmo) præcepta Domini, in quibus nos corrigendo iustificat, vt ait Greg. hom. in Ezech. 7. Et intelliguntur hīc iustificationes omnia opera iustitiae pertinentia ad incipientes, perficientes, & perfectos.

5. *Tom. 1. fol. 167.* Sacramentalis sumptio in Eucharistia est, vt homo amplius iustificetur, ad futuram vitam præparetur &c.

PARALLELVM X.

LVTHERVS.

Fiducia est fides.

CONTRA HVSSIVS.

1. *Tom. 2. fol. 205. b.* Ut cùm apparuerit (Christus) habeamus fiduciam, (id est, spem affsequendi ista) & non confundamur confusione æternæ damnationis.

2. *Ibid. fol. 210. b.* Ut fiduciam (id est, spem) habeamus. Sic etiam alibi, quoties vocabulum fiduciae explicat.

PARAL-

PARALLELVM XI.

LVTHERVS.

Debeo certò credere, mihi (mihi inquam) remissa esse
peccata, & me saluum futurum.

CONTR A HVSSIUS.

1. Tom. 2. fol. 179. b. Hic dubitatur, vtrum aliquis viator possit esse certus de sua prædestinatione. Et videtur quod non, per illud Eccl. Nemo scit an amore vel odio dignus sit. In oppositum videtur hinc esse Petrus dicens, Facientes vocationem vestram certam &c. Hic est notandum, quod nullus viator scit certitudinaliter sine reuelatione sibi de hoc facta, se esse prædestinatum, & sic nec se in gratia esse, nec opus suum esse virtuosum. Hoc autem contingit tripliciter: primò ex parte Dei, à quo electio, gratia & opus virtuosum dependet principaliter, nam gratia est donum à Deo immediatè infusum, & non nostris meritis acquisitum, & cùm illam dat, secundum quod ex sua benevolētia homo illam acceptat, quæ homini respectu ipsius sine reuelatione est occulta, sequitur quod ex parte Dei homini sua prædestinatio & gratia est incerta. Secundò consideratur gratia ex parte hominis cui attribuitur, qui ex se minimum gradū gratiæ vel virtutis non potest acquirere, & cautio gratiæ latet hominem sine reuelatione, & sic quamvis homo existens extra gratiam affectualiter & delectabiliter exercet opera charitatis secundum genus &c. non tamen scit se esse in gratia &c. Tertia ratio sumitur ex parte actus charitatis, qui ex ea elicitor. nam effectus ipsius actus charitatis est facere hominem Deo acceptum, & ipsum meritorie operari; sed cùm hoc sit homini incognitum, vt priora duo, patet de incertitudine. Nec sequitur, Nullum peccatum mortale scio in me, ergo scio me esse in gratia &c. cùm dicat Apostolus, Nihil mihi conscius sum, sed in hoc non iustificatus sum.

b 3

Sed

Sed ad textum. Hic dicitur, quod per bona opera faciant homines vocationem certam, id est, nunc (quidem) quod ad spem firmam, & in patria in realē certitudinem. Apostoli verò sciuerunt ex reuelatione Christi se esse prædestinatos iuxta illud, Quos dedisti mihi, custodiui &c. Et nos scimus, quoniam translati sumus &c.

2. *Tom. 2. fol. 180.* Per bona opera facite vocationē vestram & electionem certam. Hæc certitudo non est simpliciter scientiæ, sed coniecturæ; non rei, sed spei, de quo Rom. 8. Scio, cui credidi.

3. *Tom. 2. fol. 210.* In hoc cognoscimus (supple cōiectu ratione probabili, non scientia infallibili) quod ex veritate sumus.

4. *Ibid. fol. 173.* Iustus quidem vix saluabitur, quod etiam fit propter medium, quo mediante fit saluatio. Multa videntur iusta apud nos, quæ in conspectu Dei sunt iniusta.

5. *Ibid. fol. 198.* Nullus potest sine peccato mortali totaliter carere, nisi Deus sibi reuelauerit. Eccl. 9. Nescit homo an odio vel amore dignus sit. Propter quod si absque reuelatione Dei afferat se peccato mortali omnino carere, incurrit peccatum iactantiæ, falsitatis, & superbie, afferendo etiam præsumptuosè quod nescit.

6. *Tom. 2. fol. 92.* Tanta est profunditas cordis humani, ut lateat etiam ipsum hominem prauum. est enim cor hominis etiam inscrutabile, quis cognoscet illud? Ierem. 23. *Et paulo post.* Nihil mihi conscientia remordente de crimine scilicet apud Deum, quia potest aliquod delictum in me esse, quod nescio. Delicta quis intelligit? Item, Nemo scit (sine reuelatione) odio, an amore dignus sit.

7. *Tom. 2. fol. 209.* Spes non attingit ad fidei notitiam de illo quod sperat; sed quietatur in actu quodam medio inter dubietatem & credulitatem. Vnde multa sunt proponenda fidibus, quæ, semota distinctione, nec debent

bent dubitare, concedere, vel negare: sed sperare, Ut si mihi proponitur, Tu saluaberis: nec debo concedere, quia nescio si verum est; nec debo negare, quia nescio si est falsum; nec debo dubitare, sed sperare.

8. *Vide testimonia ascripta ad Parall. 28. de absolutione.*

9. *Tom. 1. fol. 16. b. Moriturus Husius fatetur, nullum sine reuelatione posse de se vel alio rationabiliter afferere, quod sit caput Ecclesiæ sanctæ particularis, quamuis bene viuendo debeat sperare quod sit membrum Ecclesiæ sanctæ Catholicæ sponsæ Christi. iuxta illud Eccl. Nemo scit an gratia vel odio dignus sit. & Luc. 17. Cùm feceritis omnia, dicite, quia serui inutiles sumus.*

PARALLELVM XII.

LUTHERVS.

Loca Scripturæ, Nescit homo amore, an odio dignus sit &c. Item, Nihil mihi conscientia sum, sed in hoc non sum iustificatus &c. non pertinent ad euertendam fiduciam Lutheranam.

CONTRA HVSSIUS.

Vide testimonia præcedentis Paralleli primum, 5. 6. & 9.

PARALLELVM XIII.

LUTHERVS.

Legem implere, & Deum toto corde diligere nemo potest.

CONTRA HVSSIUS.

1. *Tom. 2. fol. 276. b. Cùm perspexero, id est, perfectè aspexero, scrutando præcepta, amando præmia, timendo supplicia, adiutus per tuam gratiam, & directus in omnibus mādati tuis, Non ait in uno, alijs omissis, sed in omnibus:*

bus: quia dicitur Iac. 2. Si quis totam legē seruauerit &c. tunc non confundar, confusione erroris per ignorantiam.

2. Tom. 2. fol. 288. Da mihi intellectum, & scrutabor legem tuam, sed quod ad literam, ad mystica, ad spiritualia, ad sperandum & optandum æterna: nec solùm scrutabor sic, sed & custodiā illam in toto corde meo, & sic pleno intellectu & affectu implebo. Iste est finis debitus perscrutationis legis ut custodiatur; Testatur Saluator Luc. 11. dicens, Beati (ecce finis legis ultimus) qui audierit verbum Dei, (ecce scrutatio) & custodierit illud (ecce operis impletio iuxta legem.)

3. Ibid. Custodiam legem tuam in toto corde meo, id est, in intellectu & affectu; in intellectu intelligendo, in affectu diligendo & implendo. Bene dixit, Custodiam illam in toto corde meo. Nam dicit hic Remigius, Qui legem non custodit, si se illam intelligere dicit, mendax est.

4. Ibid. Custodiam illam in toto corde meo, id est, diligam eam ex toto corde meo, tota anima, tota mente, & proximum sicut meipsum: & quia hoc minus valeo meis viribus, nisi adiuuer Domine tuo auxilio, igitur duc me in semita mandatorum tuorum.

5. Tom. 2. fol. 292. b. Custodiam legem tuam (opere implendo ex dilectione legem tuam, scilicet charitatis, non præcepta legis Mosaicæ) semper (scilicet in præsenti) & in seculum seculi (in futuro:) plenitudo enim legis charitas est, quæ in hoc seculo à Sanctis custoditur, & in futura &c. quem totum textum legere operæ precium est.

6. Tom. 2. fol. 276. Iam mandata data & promulgata ignorare non possum: sed quia sine gratia Dei, viribus propriæ voluntatis ad faciendum ea infirmus sum, Ergo utinam meæ viæ (id est, intentiones & opera) dirigantur (gratia Dei præueniente voluntatem, & cooperante ad obseruationem) ad custodiendas (firmiter & perseveranter tenendas) iustificationes tuas (id est, mandata tua, quæ apud te iustificant ipsa finaliter adimplentes.)

7. Tom.

7. Tom. 2. Ideo dicit Christus Luc. 10. Hoc fac, & viues, scilicet irreprehēsibiliter quō ad Deum & homines. Hic in via, & perenniter in patria. *Et paulò antē.* Deus est summum bonum, ideo super omnia diligendus.

8. Tom. 2. fol. 30. In his verbis ostenditur Seruatoris Dei instructio & capacitas, ut sit dilectus Deus super omnia propter beatitudinem finaliter obtainendam. Cūm dicatur, Ex toto corde tuo, & ex tota anima tua, & in tota mente tua.

9. Tom. 1. fol. 29. b. Christianus debet primò credere: secundò mandata Dei adimplere: tertio deuotè orare &c. Credit autem in Deum, dum ipsum super omnia diligit. *Paulò pōst.* Homo volēs Christo regi exhibere maximum seruitiū, debet ipsum accedere per fidem: quia dicit Apostolus, Accidentem ad Deū oportet credere quia est &c. &tunc ad fidem seruandam requiritur obseruantia mandatorum, quibus debitè obseruatis, potest seruus pro remuneratione (pro mercede dicit paulò pōst) suum Dominum implorare.

10. Tom. 1. fol. 35. b. Tunc homo Deo bene bonum vult, dum viuens absq; peccato mortali vult id Deo quod ipse Deus sibi et vult &c. Igitur homo ipsi Deo in secula debet ita velle, & mādata eius firmiter custodire, hoc enim est Deum charitatiē diligere, de quo diligere dicit ipse Deus ad hominem, Diliges Dominum Deum tuum ex toto corde tuo, & ex tota anima tua &c. & dum sic Deum vult & diligit, tunc est eius seruus fidelis.

11. Tom. 2. fol. 30. b. Dilige Dominū Deum tuum ex tota anima tua, (prudenter) & toto corde tuo, (fortiter) & ex tota mente tua, (dulciter) & dulcescat tibi sapientia Christi, ne spiritu mēdacijs & erroris seducaris; & lucescat tibi veritas Christus, ne aduersitatibus fatigeris; & confortet te virtus Dei, ne oppugnationibus opprimaris: quia tunc diliges prudenter, fortiter, & dulciter Dominum Deum tuum, & per consequens Dominum Iesum

c Chri-

Christum: quem qui sic non diligit, ut dicendum est, est veraciter anathema.

PARALLELVM X IIII.

LVTHERV.

Nemo sine peccato magno viuit.

1. Tom. 2. fol. 82. b. Sanctificatio specialis, quae fit per gratiam Spiritus sancti, remouet culpam, & pronitatem peccandi mortaliter: & talis fuit sanctificatio S. Ioannis Baptiste & Hieremiae. Sed sanctificatio specialissima, quae fit per gratiam singularem, remouet culpam originalem, & pronitatem ad peccandum tam venialiter quam mortaliiter: & talis fuit in B. Virgine.

2. Tom. 2. fol. 180. Non peccabis aliquando, potest intelligi tripliciter: Primò, ut referatur ad æternæ vite adoptionem &c. Secundò, ut hoc referatur ad gratiæ mansiōnem, ut sit sensus, quamdiu operabimini secundum gratiam Dei, non peccabis. 1. Ioan. 3. Omnis, qui manet in eo, non peccat. Tertiò potest referri ad continuam humani finis & principij meditationem. ut sit sensus, Facentes hoc (id est, meditantes continuè principium & finem vestrum) non peccabis aliquando, saltem mortaliter. Eccl. 7. Fili recordare nouissima tua, & in æternum non peccabis.

3. Tom. 2. fol. 198. Si dixerimus, quia peccatum non habemus, ipsi nos seducimus; De peccato veniali fit sermo, illud non potest in præsenti vita rationabiliter euitari. de illo enim dicitur Prover. 24. Septies iustus cadit & resurgit. & sic postea de peccato mortali locum explicat item Hussius.

4. Tom. 2. fol. 207. a. & b. Qui natus est ex Deo, peccatum non facit, scilicet mortale.

5. Tom. 2. fol. 205. b. Ioannes Euagelista loquitur de peccato graui vel mortali, ut Christus apparuit, ut peccata tolle-

tolleret, &c. Omnis qui manet in eo, non peccat &c. Ecce hinc loquitur de peccato graui mortali siue de crimen: sed ibi, 1. Ioan. 1. Si dixerimus, quoniam peccatum non habemus &c. loquitur de peccato leui, quod vocatur à nobis veniale.

PARALLELVM XV.

LVTHERV.

Definitio peccati mortalis & venialis apud Papistas est inepta.

CONTRA HVSSIUS.

1. *Vide testimonium proxime precedens. Tom. 2. fol. 275. b.*
2. *Tom. 2. fol. 32. dicit, Solo consensu cōmitti peccatum mortale, cūm cogitationem malis sequitur titillatio, titillationem delectatio, delectationem consensus. ubi ait, peccatum mortale esse quod mortificat animam.*
3. *Tom. 2. fol. 198. dicit, peccata mortalia sāpe occulta esse, & latere viros sanctissimos.*
4. *Tom. 1. fol. 36. Definit & recitat septem peccata mortalia ad sententiam Catholicorum, & dicit omnem talem appetitum cum consensu, nimiriū appetitum inordinatū diuitias habendi, coeundi, dolendi de bono alterius, comedandi, vlciscendi &c. esse peccatum mortale. Ubi lector, quantum Husius à Luthero in mortali & veniali peccato dissideat, nullo negotio cognoscet, & multò magis quantum à Caluino. Husius enim in ijs omnibus sine errore Catholicorum sententiam sequitur.*

PARALLELVM XVI.

LVTHERV.

Gratia gratis data, & gratia gratum faciens &c. sunt nugae Papisticæ.

C 2 CON-

PARALLELA DOCTRINAE
CONTRA HVSSIVS.

Tom. 2. fol. 83. b. Gratia spirituale donum purè gratis datum à Deo, quo se præparat homo ad suscipiendam gratiam gratum facientem. Et hæc dicitur gratia gratis data, & est bona voluntas Dei, qua vult nobis dare, quod non meruimus. 3. Gratia dicitur forma, qua creatura rationalis dicitur grata Deo, & ista dicitur gratia infusa, & variatur secundum quod plus vel minus meruerit. Et ista gratia dicitur triplex, secundum quam Deus prius naturaliter agit opus meritorium quasi viator; 2. concomitās vel cooperans gratia, secundum quam Deus coagit cum meritorie operante. 3. Gratia consummans, secundum quam Deus perficit actualiter meritum finaliter terminatum. Istam triplicem gratiam prætendit Apostolus 1. Cor. 15. dicens, Gratia Dei sum id quod sum; Ecce prima gratia; & gratia eius in me vacua non fuit, Ecce secunda. Et gratia eius semper in me manet, Ecce tertia. Gratia gratum faciēs quamuis habeatur ex Dei dono efficaciter, tamen habetur ex libero arbitrio consentiēte &c. *Vide in sequenti Parallelō.*

PARALLELVM XVII.

LVTHERVS.

Nullum est liberum arbitrium in iustificatione.

CONTRA HVSSIVS.

1. *Tom. 2. fol. 83. b.* Gratia gratum faciens quamuis habetur ex Dei dono, tamen habetur ex libero arbitrio consentiente, quia dicit Aug. Qui creavit te sine te, non iustificabit te sine te. Ista etiam gratia est à tribus, à Deo vt principaliter efficiente, à gratia gratis data liberum arbitrium excitante, & à libero arbitrio vt consentiēte. Istam ergo gratiā optat Apostolus Corinthijs, vt grati Deo existentes bene incipient, melius perficiant, & optimè terminent vitam sanctam.

2. *Tom.*

2. *Tom. 2. fol. 173.* Deus in saluatione præsupponit aliquid, nempe liberum arbitrium, quod quidem licet Deus possit in melius commutare, non tamen potest ipsum cogere permanente libertate, eò quòd coactio libertati repugnet. Oportet igitur hominem velle saluari, aliter ipsum Deus non saluat, quia secundum S. Augustinum dicitur, *Qui te fecit sine te, non saluabit te sine te.*

PARALLELVM XVIII.

LVTHERVS.

Duo sunt tantum Sacraenta, vel tria, vel vnum.

CONTRA HVSSIUS.

1. *Tom. 2. fol. 149.* In hoc Sacramento (extremæ Vnctionis) non imprimitur character. Aut enim est distinctio, & sic imprimitur in Baptismo; Aut strenuitatis, & sic imprimitur in Confirmatione; Aut excellentiæ & dignitatis, & sic imprimitur in Ordinis Sacramento. Vnde Sacramentum (extremæ Vnctionis) iterari potest, illa autem non iterantur, quæ relinquunt in suscipiente characterem, ut Baptismus, Confirmatio & Ordo; cætera vero quatuor non relinquunt. Dupliciter autem dicitur iteratio Sacramenti: primò idem est quod iterata benedictio, & sic nullum iteratur; secundò idem est, quod iterata susceptio, & sic iteratur Eucharistia, Pœnitentia, Matrimonium, & Vnctio.

2. Sic venerabile Sacramentum Eucharistiam; sic Baptismum sacramentum *pæsim nominat*; sic Pœnitentiam, *Tom. 1. fol. 175. b.* sic Matrimonium *exprefse Tom. 2. fol. 100. ubi ait*, Matrimonium esse vnum de Sacramentis Ecclesiæ, tenens imaginem coniunctionis Christi & Ecclesiæ. sic extremam Vnctionem Sacramentum (*Tom. 2. fol. 148. & 149.*) nominat decies & quater, & quidem sacramentum Evangelij: sic Confirmationem & Ordinationem. *Multis locis*

*locis expresse nominat septem Sacra menta Ecclesiæ. Tom. i.
fol. 218. b.*

PARALLELUM XIX.

LUTHERVS.

Impresso characteris nihil est.

CONTRA HVSSIVS.

Vide 28. proximi Paralleli testimonium primum.

PARALLELUM XX.

LUTHERVS.

Baptismus radit peccata, non tollit.

CONTRA HVSSIVS.

1. *Tom. 2. fol. 82. b.* Triplex est sanctificatio: Vna communis, quæ fit per Sacra menta, & ita Corinthij fuerūt sanctificati, quia per Baptismi susceptionem sancti facti. Hęc sanctificatio remouet culpam, (originalem sicuti postea explicat) confert gratiam, non tamē remouet fomitem, qui est pronitas ad peccandum.

2. *Tom. 2. fol. 201.* In Baptismo remittuntur nobis peccata originalia & actualia. *Ibid.* Ab originali peccato infantes per vim baptismatis mundantur.

PARALLELUM XXI.

LUTHERVS.

Concupiscentia in renatis etiam sanctis est peccatum.

CONTRA HVSSIVS.

Tom. 2. fol. 83. nominat pronitatem ad peccandum, & fomitem ter vno loco; peccatum nominat nunquam. Ait enim, Baptismum remouere culpam, nō tamen remouere fomitem, qui est pronitas ad peccandum.

PARAL-

PARALLELVM XXII.

LVTHERVS.

Chrisma est supersticio, & Confirmatio nihil est, multo minus Sacramentum.

CONTRA HVSSIUS.

1. Tom. 2. fol. 31. laudat constitutionem, quae ponitur i. quæst. 1. vbi anathematizatur, qui pro ordinatione, vel pro chrisma te, baptismo, vel balsamo, vel pro sepultura, vel pro communione quicquam exigunt. Vult enim ut gratis dona Christi gratuita dispensatione donentur.

2. Tom. 2. fol. 204. 1. Ioan. 2. Sed vos habetis vocationem à sancto, (scilicet Spiritu factam & datam vobis in Baptismo) vbi quicquam de re signata loquitur, tamen signum etiam attingit.

3. Tom. 2. fol. 25. b. Inter potestates datas Episcopo nominat potestatem confirmandi baptizatos.

4. Tom. 2. fol. 148. Baptismus est intrantium, Confirmatio est pugnantium; à quibus exigitur bona vita pro se, & fama pro alijs; ideo vnguntur Chrismate consecrato ex balsamo propter odorem bonæ famæ, & oleo propter nitorem conscientiæ.

5. Ibid. fol. 149. In Confirmatione imprimitur character, & est Confirmatio sacramentum. Vide testimonium primum in Parallello 18.

PARALLELVM XXIII.

LVTHERVS.

Paruuli actu credunt.

CONTRA HVSSIUS.

Tom. 2. fol. 201. Baptismus non solum credentes purificat, sed interdum nondum credentes emundat, ut parulos.

PARALLELA DOCTRINAE

uulos. Sed huic dicto videtur obstat illud Marci vlt. Eunt es in mundum vniuersum &c. Qui crediderit & baptizatus fuerit, saluus erit.: qui non crediderit, condēnabitur. Cūm igitur paruuli baptizati non credant, videtur quod si moriantur paruuli, condēnantur. Præterea cūm non possit peccatum dimitti, nisi per charitatem, igitur paruulus qui non diligit, non potest per baptismum de peccato mundari. Sed hīc notandum est, aliquid peccatum esse originale, aliud actuale; peccatum primum sine consensu contrahitur, reliquum nunquam sine actuali consensu committitur. Illud ergo quod sine consensu contrahitur, paruulis sine consensu remittitur; istud autem quod non potest sine consensu committi, nec potest sine consensu remitti. Cūm ergo paruuli teneantur solo originali peccato sine omni consensu, possunt per vim baptismatis ab illo peccato mundari.

PARALLELVM XXIIII.

LVTHERVS.

Contritio, Confessio, & Satisfactio non sunt partes Pœnitentiæ.

CONTRA HVSSIUS.

1. Tom. i. fol. 37. b. Sunt autem pœnitentiæ perfectæ, ut dicunt Doctores, partes tres, Contritio, Confessio & Satisfactione. (*idq; scripsit Husius in carcere Constatia.*) Addit, Contritio est dolor intimus cordis, quem homo habet pro peccatis, quo plus dolet quam si amississet diuitias seculi, famam, vel amicos.

2. Sic meminit Contritionis Tom. i. fol. 175. & dicit, sine ea Sacramentum pœnitentiæ non prodesse.

3. Tom. i. fol. 182. dicit, ad pœnitentiæ requiri ultra contritionem & confessionem satisfactionem, *idq; per totum librum sepissimè repetit.*

4. Ibid.

4. *Ibid. fol. 214. b.* Ipsa pœnitentia Contritione, Confessione & Satisfactione conficitur.

5. *Ibid. fol. 175.* Licet sufficeret apud Christum ubique præsentem contritio, tamen Sacramentum pœnitentia est valde necessarium, licet non proderit sine contritione præsupposita.

PARALLELVM XXV.

LUTHERVS.

Confessio auricularis non est recipienda.

CONTRA HVSSIVS.

1. *Tom. fol. 37. b. (in carcere Constantiae.)* Secunda pars pœnitentia est Confessio, quæ est corā Deo & coram Sacerdote peccatorum recognitio, quæ debet esse plena & integra; plena, ut sacerdos intelligat; integra, ne confitens aliquod peccatum abscondat. qui enim abscondit scelerata sua, non dirigetur.

2. *Tom. 2. fol. 149.* Quia remissio peccati nō fit sine confessione, si locus est confitendi, nec sufficit inducere presbyteros, nisi confiteatur infirmus, propter hoc subdit glossa, Ergo cōfitemini alterutrū &c. id est, homo homini, peccata vestra, non tantū Deo, sicut tēpore legis quando offerebant hostias, & sic peccasse se innuebant non confitentes genus, vel speciem peccati; quia in lege non erat perfecta iustitia, & sic patet quòd præceptū est confiteri. Vnde & Ioannes baptizat turbas confitentes peccata sua (*Mar. 1.*) in signum quòd in baptismo Christi esset confessio peccati. Et Dominus implicitè confessionem præcepit *Matth. 4.* Pœnitentiam agite. Et Apostoli postmodum explicatè præceperunt, & distinctè, ut hīc.

3. *Sic ipse Hussius septimo die ante mortem confessus est monachō. Tom. 2. fol. 347.*

4. *Tom. 2. fol. 148. b.* Si in peccatis sit infirmus, & velit ea

d confi-

confiteri presbytero & relinquere & satisfacere, quia aliter non dignè susciperet Sacramentum; dimittentur ei, etiam si contingere eum mori. Quia ut glos. ait Venerabilis Bedæ, multi propter peccata etiā corporis plectuntur morte. Si ergo infirmi in peccatis sunt & presbyteris confessi, perfecto corde reliquerint, etiam emendare satagant, dimittetur eis. Nec enim sine emendatione & confessione dimittuntur quæcumque peccata.

PARALLELVM XXVI.

LUTHERVS.

Perinde est Sacerdoti, an Laico confitearis.

CONTRA HVSSIVS.

1. Tom. 2. fol. 149. Mortalia peccata debet homo maiori homini confiteri. Vnde glos. & est Venerabilis Bedæ, Grauioris lepræ immunditiam sacerdoti pandamus, & quanto iusserit tempore purgare curemus. Idem ait glos. Peccata quæ fiunt ex ignorantia, vel committuntur ex infirmitate humana, dici & præcipit (S. Iacobus) alterutru confiteri, quia facile dimituntur: quæ verò cum deliberatione (fiunt) non nisi per poenitentiam maiorem, & à Sacerdote susceptam.

2. Tom. 1. fol. 38. Tu ergo appropinquante Quadragesima, quæ est speciale tempus poenitentiæ, ut verè poeniteas, dole cordialiter de peccato, noli amplius peccare; confide de Dei misericordia, confitere sacerdoti peccata tua non tardans, ora deuotè & humiliter, iciuna patienter, da eleemosynam si potes, abundanter.

3. Tom. 1. fol. 214. Cùm Christus dicit Petro, Tibi dabo claves &c. in persona Petri dixit toti Ecclesiæ militanti, non quòd quælibet persona illius Ecclesiæ indifferenter habeat claves, sed quòd tota illa Ecclesia secundum singulas eius partes ad hochabiles habeat, id est, ut postea dicit, prælati Ecclesiæ.

4. Tom.

4. Tom. 2. fol. 149. Pœnitentia à solis sacerdotibus imponitur.

PARALLELVM XXVII.

LVTHERVS.

Satisfactio est contumelia in Christum.

CONTRA HVSSIUS.

1. Tom. 1. fol. 37. b. Tertia pars completiuia pœnitentiæ est Satisfactio, per quam peccator debet satisfacere Deo, sibi, & proximo; Deo humiliando se; sibi affligendo se; proximo reddēdo ei quæ sua sunt. Vnde & iuxta hoc ponuntur tres partes Satisfactionis, scilicet oratio, ieuniūm, & eleemosyna. (*Et hæc scripsit ex carcere.*)

2. Vide testimonium tertium Paralleli 25.

3. Sic nominat satisfactionem Purgatorijs særissimè. *Vide Parall. 24. de Purgatorio.*

4. Tom. 2. fol. 50. b. Aliqui saluandi deceidunt sic in peccatis, quod non satisfecerant pro commissis. *Vide testimonium tertium & decimum Paralleli de Purgatorio.*

5. Tom. 1. fol. 183. b. Habens peccata venialia si moriatur contritus & confessus, tamen sine satisfactione operis, vadit ad Purgatorijs pœnam.

6. Ibid. fol. 181. b. Ad idē est beatus Augustinus in serm. de Pœnitentia dicens, Non sufficit nos in melius commutare, & à præteritis malis recedere, nisi etiam de his, quæ facta sunt, satisfiat Domino per pœnitentiæ dolorem, per humilitatis gemitum, per contriti cordis sacrificium cum cooperantibus ieunijs & eleemosynis. Lege totum locum, est enim pulcherrimus.

7. Ibid. fol. 182. Ultra Contritionē & Confessionem requiritur secundū qualitatē & quantitatē culpe qualitas & quantitas pœnæ, & dispar fructus boni operis. hinc sit quantūcunque contritus & confessus, dum rem alienam

d 2 reti-

retinet, quam restituere potest, nō absolvitur à peccato.

8. *Ibid. fol. 184.* Ezech. 14. est, Si impius egerit pœnitentiam &c. Hic Deus primò ponit pœnitentiam, secundò satisfactionem.

9. *Ibid. fol. 114.* Ligant sacerdotes (ex Magistro Sententiarum) dum satisfactionem pœnitentiae confitentibus imponunt. *Et paulò post.* Hoc est verè pœnitere, de præterita prævaricatione dolere cum firmo proposito confitendi, satisfaciendi, & cum cautela cauendi.

10. *Ibid. fol. 116.* Qui in mundo apud sacerdotem debiti satisfactionis iniunctione constringitur, apud Deum eiusdem satisfactionis debitor tenetur.

11. *Ibid. fol. 186. b.* Confessarius debet scire proportionare pœnam.

12. *Ibid. fol. 216.* Ille veraciter absolvitur sacerdotali officio, cuius peccatum ad condignam satisfactionem iustè remittitur.

PARALLELVM XXVIII.

LVTHERVS.

Omnis absolutus certò debet credere se in gratia Dei, & liberum à peccatis esse.

CONTRA HVSSIVS.

1. *Tom. 1. fol. 182. b.* Augustinus in lib. de pœnitentia ita dicit: Si quis positus in ultima necessitate ægritudinis suæ, voluerit accipere pœnitentiam, & accipit, & mox reconciliabitur, & hinc (ex hac vita) vadit, fateor vobis, non illi negamus quod petit, sed non præsumimus quia bene hinc exit. Non præsumo, non vos fallo, non præsumo. Fidelis bene viuens, securus hinc exit. Agens pœnitentiam ad ultimum & reconciliatus, an securus hinc exeat, ego nō sum securus &c. Nunquid igitur dico, damna-bitur? Non dico. Sed nō dico etiam liberabitur &c. Tandem,

dem, Tali aut ignoscitur, aut non ignoscitur: quid horum fiat, ego nescio.

2. *Ibid. fol. 175. b.* Sapientes Christi Sacerdotes non asserunt simpliciter quod confitens sit a peccatis solutus, sed sub conditione ista; Si dolet, & nolit peccare amplius, & confidit de Dei misericordia, & vult in posterum mandata Dei obseruare. *Et paulo post.* Et si sufficientem egerit poenitentiam, non puniet Deus in Purgatorio. *Sic fol. 181. & 186. & alijs pluribus.*

PARALLELVM XXIX.

LVTHERVS.

Missa est pessima idolatria.

CONTRA HVSSIVS.

Esse rem sanctissimam.

1. *Tom. 1. fol. 58.* Profiscens Constantiam in tota via usque Constatiam celebravit Missam, & Constantie quotidie usque ad carcerem.

2. *Sic Tom. 2. fol. 346. ipse fatetur,* se a Papa excommunicatum, tamē perrexisse peragere sacra, id est, celebrare Missam; *vt est paulo ante. Idem dicit Tom. 1. fol. 73.*

3. *Tom. 2. fol. 51. b.* Nihil volo Missarum detrahere sacrificio. Dixi enim antea, quod salutaris Hostia est merces sufficientissima redemptionis omnium purgandorum.

4. *Tom. 2. fol. 52.* Hic dico, quod non dissuadeo triginta Missarum ministerium: sed opto non solum triginta, sed quotquot mihi Deus concederit, Missas dignè celebrare pro mortuis; & alijs sacerdotes similiter celebrent.

5. *Tom. 2. fol. 52. b.* Quælibet Missa ratione sacrificij oblati, scilicet Christi, est infinitum bonum pro purgandis exhibitum, sufficiens purgare plenè omnes in Purgatorio &c. Bonum ergo esset quod nos Sacerdotes missaremus in spiritu humili &c.

d 3

6. *Ibid.*

6. *Ibid.* Missa ex parte missati, id est Christi oblati, qui seipsum patri offert in Missa; & ex parte verborum Missæ, quælibet Missa est tam bona quam alia, & prodest Ecclesiæ tantum, quantum alia, quia ipse Christus unus in qualibet. Sed Missa ex parte missantis mali Sacerdotis, quod est missare indignè, non est tam bona, quam bona est Missa vel missatio boni. Cuiuslibet ergo Missæ oblationis, quæ est Christus, prodest Ecclesiæ.

7. *Ibid. fol. 51.* Quatuor modis soluitur animæ defunctorum; aut oblationibus sacerdotum, aut eleemosynis charorum, aut precibus sanctorum, aut ieiunio cognatorum &c. Si autem queritur quod de quatuor enumeratis est maximum defunctorū suffragium, dicitur, Quod salutaris hostia (oblatio sacerdotū) qui est Christus, ipse enim est fundamentum & merces sufficiētissima redemptionis animarum purgandarum. *Quem locum postea inferius repetit, ut supra in testimonio 3. sicut folio 52. & 53. plenissime Missam tractat & docet.*

8. *Ibid. fol. 206. b.* Ideo etiam Missa triplex terminatur. Nam in diebus laboris dicitur, Benedicamus Domino, propter eos qui in hoc mundo laborant, qui semper in suis laboribus debet Deum benedicere. Secundò dicitur, Requiescant in pace, propter eos qui sunt in Purgatorio. Tertio dicitur, Ite Missa est, in diebus solennibus, propter eos, qui in cælo sunt.

9. *Huic in carcere Tom. 1. fol. 40. fatetur, se semper legisse in Officio, & in Missis canticum, Verbum caro, panem verum.*

10. *Tom. 2. fol. 50. b.* Debemus quotidiana Deo lachrymarum sacrificia, quotidianas carnis eius & sanguinis hostias immolare. Hæc enim singulariter victima ab aeterno interitu animas saluat.

PARAL-

PARALLELVM XXX.

LVTHERVS.

Christus seipsum patri non obtulit, nec obtulit Melchisedech panem & vinum, nec Christus iussit ut Apostoli offerrent.

CONTRA HVSSIVS.

1. *Tom. 2. fol. 234. b.* Melchisedech panem & vinum obtulit, (Gen. 14.) & Christus panem & vinum in corpus & sanguinem suum consecrauit, & Deo patri obtulit, & discipulis offerre cōmisit Matth. 26. Et hinc dicit Beda super Marcum, Manducantibus illis accepit Iesus panem, ut scilicet ipsum se esse monstraret, cui iurauit Dominus, Tu es sacerdos in æternum secundum ordinem Melchisedech. Ecce in quantis similatur Melchisedech Christo filio Dei. propter quod dicit Ambros. de Sacramentis: Ex hoc autem accipe anteriora esse mysteria Christianorum quam Iudæorum. Contulit enim Melchisedech panem & vinum similis per omnia filio Dei, cum dicitur, Tu es sacerdos in æternum secundum ordinem Melchisedech.

2. *Ibid. fol. 233.* Tu es (Christe fili Dei) sacerdos (secundum humanitatem) in æternum secundum ordinem (ritum) Melchisedech (qui panem & vinum obtulit, & non secundum Aaron, cuius ritus fuit offerre pecora.)

PARALLELVM XXXI.

LVTHERVS.

Canon Missæ est plenus abominationum.

CONTRA HVSSIVS.

1. *Tom. 2. fol. 163.* Super his fundans se vniuersalis Ecclesia, dicit in Canone Missæ: Offerimus panem sanctum vitæ æter-

tæ æternæ & calicem salutis perpetuæ. & iterum ibi. Panem cælestem accipiam, & nomen Domini inuocabo.

2. *Quia usque ad carcerem Hussius Missam celebrauit, ut in Canone perfecto debuit, ut & fecit, & in ista fide est mortuus.*

PARALLELVM XXXII.

LUTHERVS.

Corpus Christi in coena non est adorandum, & Festum Corporis Christi est impium.

CONTRA HVSSIVS.

1. *Tom. I. fol. 163. In cantu diei Corporis Christi canit Ecclesia: Ecce panis angelorum, factus eibus viatorum, Verè panis filiorum, non mittendus canibus. Bone pastor, panis vere, Iesu nostri miserere. (Quæ omnia Hussius probat, & tanquam testimonium apponit, & dicit cani ab Ecclesia.*

2. *Tom. I. fol. 190. b. Ipsa Eucharistia est magis à fidelibus veneranda, quam aliorum Sanctorum reliquias.*

3. *Tom. I. fol. 162. b. Nos adoramus Corpus Christi & sanguinem in dextra Dei patris existentem, & in venerabili Sacramento, quod Sacerdotes conficiunt, absconsu-*

PARALLELVM XXXIII.

CALVINVS & ZWINGLIUS.

Verum Corpus Christi non est in coena.

CONTRA HVSSIVS.

1. *Tom. I. fol. 39. Ex potestate & institutione Christi veri Dei & veri hominis per ministerium sacerdotum est in Sacramento venerabili verum Corpus suum, quod conceptum est & natum ex Maria Virgine castissima, potestate Spiritus sancti; quod passum est in cruce, quod iacuit in sepulchro pro triduo; quod ascendit in cælum, & sedet ad dex-*

ad dexteram Dei patris; illud & non aliud, sine noua sui substantiali inceptione est in ipso Sacramēto venerabili. Similiter sanguis qui effusus est in cruce in remissionem peccatorum de eodem corpore. Nam dixit Christus Iesus, Accipite &c.

2. *Tom.1.fol.126.b.* Dixit Huss in Concilio: Sentio verè, realiter, & totaliter esse Corpus Christi in sacramēto Altaris, quod natum est ex Maria Virgine, passum, mortuum, & quod resurrexit, & sedet ad dexteram Dei patris omnipotentis. Atque hęc testatus est coram Concilio se ex animo & sincerè loqui.

3. *Tom.1.fol.155.* Corpus Christi cūm omnibus suis partibus solūm in cælo est localiter, & dimensiūè, licet in Sacramento altaris sit realiter & verè.

4. *Ibid.fol.162.* Timet Huss, ne fortè quidam vacillent, an sit sanguis in Sacramento venerabili, eo quòd ipsis visibiliter non appetet.

5. *Tom.1.fol.166.* Credere in Sacramento altaris esse verum Corpus Christi, & verum sanguinem, est fides, qua fidelis adhæret fideliter veritati Catholicæ.

PARALLELVM XXXIIII.

LUTHERVS.

Corpus Christi est ubique, non tantū in cœna & in cælo.

CONTRA HUSSIUS.

1. *Tom.1.fol.155.* Corpus Christi cum omnibus suis partibus solūm in cælo est localiter & dimensiūè, licet in Sacramento altaris sit realiter & verè.

2. *Tom.2.fol.341.* Hyperdulia est reuerētia debita Christo, qui secundum duplē naturam est creator & creature simul. Sicut enim aliqua sunt incommunicabiliter in Deo, ut omnipotētia, omniscientia, & efficacissimè

c omni-

omniuolentia, cum ceteris proprietatibus Deo proprijs: sicut aliqua sunt honoris sibi appropriatissimè tribuendi, & exalio latere aliqua sibi analogicè conueniunt, ut dominatio, potestas, dignitas, & similia.

3. *Ibid.b.* Honor humanitati Christi (adoratio) debitus, Hyperdulia vocatur, vel Dulia superior.

4. *Ibid.b.* Caro Christi siue humanitas Christi in se considerata, non est adoratione latræ adoranda. sic glos. super illud psalmi, Adorate scabellum pedum eius. Caro Christi, ait, non est adoranda adoratione latræ, quæ soli Deo debetur. Et tamen caro Christi, quia est Verbo unita suppositaliter, est per Hyperduliam adoranda: & hoc innuit Augustini authoritas ostendēs exemplar quomodo purpura, vel diadema Regis, ut sunt separata à rege, nō sunt adoranda, sed coniuncta Regi, hoc est, quia Rex in illic adoratur: sic humanitas Christi in se considerata per intellectum, quamvis non separata realiter, non est adoranda latræ, quamvis Christus homo est adoratione latræ adorandus.

PARALLELVM XXXV.

LVTHERVS.

Transubstantiatio est res impia & blasphema. *Tom.2. Latinè Ienensi fol.528.b.* & in Sacramento Venerabili non sunt species panis & vini, sed ipse panis & vinum.

CONTRA HVSSIVS.

1. *In genere Tom.1. fol.39.* De venerabili Sacramento Corporis & sanguinis Domini credendum est, quicquid Christus Iesus per se Apostolis, & per ipsos, & per alios sanctos Doctores tradidit, & quicquid tenet sancta sua Romana Ecclesia de hoc Sacramento venerabili, hoc firmiter est credendum, & istud in generali sufficit multis sanctis credere, & sufficit indoctis, & simplicibus Christianis infor-

informatione carentibus ampliori. *Hoc ex carcere Constantie, quod notandum est.*

2. *Ibidem.* Sacerdos tanquam minister Christi, qui potestate & verbis Christi facit, quod fecit Christus potestate propria & verbis proprijs Transubstantians panē in Corpus suum, & vinū in sanguinē suum. Vnde canit Ecclesia: Dogma datur Christianis, quod in carnem trāsit panis, & vinum in sanguinem. Et iterū: Verbum caro, panem verum, verbo carnē efficit, Fitque sanguis Christi merū &c.

3. *Ibid. cap. 3.* Christus virtute propria & verbis proprijs transubstantiat panem in corpus suum, & vinum in sanguinem suum iuxta canticum Ecclesiæ istud, Verbum caro &c. Verbum caro, id est, filius Dei existens homo; efficit verbo per transubstantiationem verum panem carnem; & merum, id est vinum, fit scilicet per transubstantiationem sanguis. patet in materia de Consecrat. dist. 2. per sanctos &c. Vnde (*inquit Husius*) nunquam prædicauit, quod in Sacramento altaris manet substantia panis materialis, de quo me veritatis inimici ei mendaciter accusarunt. *Sic scribit Constantie ex carcere.*

4. *Ibid.* Corpus Christi est sub specie panis per transubstantiationem panis in ipsum corpus, & sanguis est concomitanter. & Sanguis est sub specie vini per transubstantiationem vini in sanguinem, & corpus est sub eadem concomitanter.

5. *Sic Tom. 2. fol. 345. Tom. 1. fol. 5. & 9. Husius in Concilio Constantiæ respōdet:* Pernego me vñquam vel docuisse vel credidisse, quod post consecrationem in Sacramento altaris maneat panis materialis, sicut Hieronymus Pragensis. (*Tom. 2. fol. 356.*) Similiter coram Concilio respondit; Ante consecrationem esse panem & vinum, post consecrationem esse verum corpus & sanguinem Christi.

6. *Tom. 2. fol. 340.* Quinque faretur transubstantiari panem in corpus, non per modum creationis, sed per modum confectionis.

7. *Tom. i. fol. 166.* Verum Corpus, & verus sanguis Christi Verè & Realiter, non sub proprijs speciebus, sed sub Alienis, manducatur & bibitur.

8. *Tom. i. fol. 12. b.* *Hussius coram Concilio non quidem annihilari panem, sed tamen quod singulariter destinat ibi esse per transubstantiationem in Corpus Christi, fatetur publicè. Item, quod destinat esse in hoc singulari pane materiali stante tali transubstantiatione, cum ille tunc mutatur, & transit in Corpus Christi, vel transubstantiatur.*

9. *Tom. i. fol. 155. b.* In Sacramento venerabili stant accidentia sine subiecto, in quo prius fuerant.

10. *Et hic notandum est, Corpus Christi post consecrationem vocari ab Hussio adhuc panem non materialem, sed panem Angelorum & panem cælestem. Sed contra iam dicta obijcitur, Si Christus est panis, ergo est panis materialis ex farina factus, non transubstantialis. Respondet non sequi, nec esse Christum panem farinæ materialem, sed panem supersubstantialem. Item ad dictum Ambrosij, Post pronunciationem verborum Christi, non panis sed corpus dicitur. Respondet Hussius non talem panem esse post verborum prolationem sacramentalium, sed præstantiorem, quia antea erat tantum materialis ex farina, sed iam est supersubstantialis, ut ipse Ambrosius ait. Quare ergo dixit in oratione Dominica, Panem nostrum quotidianum da nobis hodie? panem dixit quippe, sed επιούσιον, id est, supersubstantialem. Sic ut Hussius nunquam putaret manere panem materialem, in qua sententia mortuus est; nec unquam dixit, In, Sub, vel Cum pane esse corpus Christi, sed sub specie panis esse corpus Christi, & ipsum corpus Christi esse panem, panem scilicet Angelorum, & επιούσιον, quo animæ nostræ nutriantur, quod nemo negat.*

11. Species panis & vini in venerabili Sacramento semper nominat, nunquam panem & vinum; In omnibus libris, ut etiam docet Tom. i. fol. 40. in specie esse corpus Christi & sanguinem; speciem videri, tangi, teri &c.

12. *Tom.*

12. Tom. I. fol. 166. pro absurdō adducit in venerabili Sacramento accidentia non esse sine subiecto, & addit dimensiones hostiæ non esse in Christo, sicut in subiecto.

PARALLELVM XXXVI.

LVTHERVS.

Sacramentum venerabile asseruari non debet.

CONTRA HVSSIUS.

Tom. I. fol. 162. b. Si seruant presbyteri in Ecclesijs Sacramentum, tunc semper fit propter manducare, vt infirmi in casu non valentes altare accedere, manducent salubriter conseruatum.

PARALLELVM XXXVII.

LVTHERVS.

Tantum in vsu & manducatione est Corpus & Sanguis Christi.

CONTRA HVSSIUS.

1. Tom. I. fol. 9. Falsò de me dicūt, quòd docuerim, quòd quando hostia eleuatur, tunc est Corpus Christi; & quando ponitur, tunc non est.

2. Tom. I. fol. 40. Sciendum quòd post verba consecrationis in ipso Sacramento tamdiu est Corpus & sanguis Domini, quamdiu manet species panis & vini. Et non seorsum corpus & seorsum sanguis, sed sub utraque specie manet Christus totus ut canit Ecclesia. Vnde Corpus Christi est sub specie panis per transubstantiationem panis in ipsum corpus, & Sanguis est concomitāter. Et Sanguis est sub specie vini per transubstantiationem vini in ipsum sanguinem, & Corpus est sub eadem concomitante. Vnde stultissima & turpissima vesania esset dicere, quòd solùm quando Sacerdos eleuat Sacramentum ve-

c 3 nera-

PARALLELA DOCTRINAE
venerabile, tunc est Corpus Christi, & quādo deponit, tunc
non est. *Vide testimonia Parallelī 35.*

PARALLELVM XXXVIII.

LUTHERVS.

Vsus duarum Specierum per Cōcilium decretus pro-
bari non debet.

CONTRA HVSSIVS.

Tom. 2. fol. 72. ex carcere scribit. Si potest fieri, attentetis,
vt saltem permittatur per Bullam illis duas species dari,
qui ex deuotione postulauerint circūstantijs adhibitis.

PARALLELVM XXXIX.

LUTHERVS.

Consecratio nihil est, & non necesse est Sacerdotem
esse, qui Sacramentum conficit, nec opus est intentione,
nec fit consecratio virtute verborum.

CONTRA HVSSIVS.

1. *Tom. 1. fol. 39.* Credendum est quòd tam bonus, quam
malus Sacerdos habens fidem rectam circa venerabile
Sacramentum, & habens intentionem sic faciēdi, vt præ-
cipit Christus, & dicens verba in Missa secundum insti-
tutionem Ecclesiae, conficit, (id est) Virtute verborum
sacramentaliter, facit ministerialiter esse sub specie pa-
nis verum Corpus, & sub specie vini verum Sanguinem
Christi.

2. *Tom. 2. fol. 340. b.* Hinc dicit B. Bernardus in sermone
de corpore Christi ad Petru papam: Nulli Angelorum,
nulli Archangelorum, nullis supernis spiritibus, sed ho-
minibus, Non omnibus, sed tātūm ordini nostro (presby-
teris) commissam esse celebrationem tanti Sacramenti,

vt con-

vt consecratus in Sacerdotem, conficiat in altari, quod Christus confecit in coena Paschali. In altari quippe Sacerdotum ore conficitur Corpus Christi.

3. *Tom. 2. fol. 159. b.* Secundò dicuntur Sacerdotes, quia sunt sacra confidentes. Vnde in eorum consecratione dicitur; *Vnctione consecrentur, Domine, manus istæ, & benedicantur, vt quæcūque benedixerint, benedicta sint, & quæcunque consecrauerint, consecrata sint.* Tertiò dicuntur Sacerdotes, quia sunt sacra dantes, ipsi enim ministri sunt Sacramentorum Ecclesiæ.

4. *Consecrationis voce sèpe utitur Tom. 2. fol. 234. b. 345. b. Tom. 1. fol. 5. 9. 12. & sapissime.*

5. *Tom. 1. fol. 39.* Ex potestate & institutione Christi veri Dei & veri hominis per ministerium Sacerdotum est in Sacramento venerabi verum Corpus, & verus Sanguis Christi.

6. *Tom. 2. fol. 26. b.* Deus ordinauit in Episcopis varias potestates Sacraenta Ecclesiastica conficiendi & administrandi.

PARALLELVM XL.

LUTHERVS.

Nugæ sunt, accidentia Specierum confistere sine subiecto.

CONTRA HVSSIVS.

Tom. 1. fol. 156. Non obstat quòd illa rubedo sine sanguine Christi foret sine subiecto, quia etiam accidentia venerabilis Sacramenti stant sine subiecto.

PARALLELVM XLI.

LUTHERVS.

Missa pro defunctis est res impia.

CON-

CONTRA HVSSIVS.

1. Vide quintum, septimum, Octauum Paralleli 29. testimoniū, Octauum Paralleli 43.

2. Tom. 2. fol. 51. b. O vtinam sic faceremus nos Sacerdotes, tunc enim non solūm triginta Missas, sed quotidianas propter vitam æternam (spernentes mundum, & sic mundi pecuniam) in purgationem omniū fidelium defunctorum missaremus.

PARALLELVM XLII.

LVTHERV.

Exequiæ, officia, & orationes viuorum non iuuant defunctos.

CONTRA HVSSIVS.

1. Tom. 1. fol. 51. Beati viantes (id est, viuentes) iuuāt suis orationibus, ieunijs, & eleemosynis, & alijs sanctis operibus sanctos dormientes Ecclesiæ, vt à poenis Purgatorij exeant, & in patria citius collocentur.

2. Paulò pōst ibidem. Pijssimus Iesu Christus dignetur illis culpam dimittere, qui de me dicunt, quod ego negarem suffragia sanctorum & respectu viantium, & respectu in gratia mortuorum. scio enim quod Christus docet, vnumquodque membrū prodest cuilibet membro.

3. Tom. 2. fol. 300. Participat quilibet iustus cum quolibet alio iusto in isto, quod quicquid boni fecerit aliis iustus, omne illud prodest cuilibet. Verbi gratia, si vna orationem Dominicam dicit aliquis iustus, tunc in illa oratione omnes sancti participant siue communicant cùm omnibus prouenit ad usum. Nam sanctis in patria prouenit ad maius gaudium; purgandis siue dormientibus in Purgatorio ad poenæ mitigationem, & ad citiorem liberationem; Viatoribus sanctis ad peccati mitigationem, euasionem, purgationem, in omnib[us] confortationem,

tionem, etiam ad meritum Beatitudinis consequendum.

4. Tom. 2. fol. 49. b. Inter causas laudabiles Exequiarum est hæc teritia, ut deuotiùs orando pro mortuis dormienti Ecclesiæ, id est, sanctis in Purgatorio adiutorium impendamus.

5. Vide testimonium 3. 4. & 5. Paralleli 45.

6. Tom. 1. fol. 198. Sacramentum Eucharistiæ diuiditur in tres partes: primam partem immersam Sacramento dicunt significare Ecclesiam triumphantem &c. per illas duas partes, quas Sacerdos tenet in manibus, maior supposita significat Ecclesiam in Purgatorio existentem, ipsa enim innititur suffragijs militantis Ecclesiæ.

7. Tom. 2. fol. 46. Si sanctæ memoriæ Alexander Papa in condendo & lucendo (id est, quia lux mundi & sal terrenæ esse debuit) venialiter defecit, rogemus omnipotentem Deum, ut secundum magnam misericordiam suam dignetur eum iam in cœlesti gloria aggregare.

PARALLELVM XLIII.

LUTHERVS.

S. Paulus 1. Corinth. 3. per ignem non intelligit ignem purgatorium.

CONTR A HVSSIVS.

1. Tom. 2. fol. 90. b. primum ad textum ascribit, Dies Domini declarabit, qua in igne reuelabitur, scilicet in poena Purgatorij.

2. Idem habet in expositione istius loci, Probabit ignis, ibidem.

3. Sic isto eodem loco fol. 91. b. Legē testimonium septimum Paralleli 45.

PARAL-

PARALLELVM XLIIIIL

LUTHERVS.

Locus Matth. 12. Nec in hoc, nec in alio seculo &c. nihil facit ad Purgatorium.

CONTRA HVSSIVS.

Vide quartum testimonium Paralleli 45.

PARALLELVM XLV.

LUTHERVS.

Purgatorium est res commentitia contra Scripturam.

CONTRA HVSSIVS.

1. Tom. 1. fol. 40. b. ex carcere scriptis, Venerabile Eucharistiæ Sacramentum sumendum esse (inter alia) ut libetur homo à poena Purgatorij, quam deberet homo pati.

2. Ibid. fol. 51. Vniuersalis Ecclesia principaliter tripartitur, in Ecclesiam triumphantem, militantem, & dormientem. Ecclesia triumphans est, beati quiescentes in patria, qui aduersus Sathanam militiam Christi tenentes ipsius præsidio finaliter triumpharunt. Ecclesia militans, est numerus prædestinatōrum, dum hīc viant ad patriam &c. Ecclesia sancta dormiens est numerus prædestinatōrum in Purgatorio patiens. Dicitur dormiens, quia ibi existens iam beatitudinem expectat, quam debet ingredi ex Dei gratia & Auxilio Ecclesiæ militantis.

3. Tom. 2. fol. 50. Animæ defunctorum habent post exitum à corpore triplicem mansionem; Aliquæ quidem, ut sanctorum Martyrum & Confessorum, sic accenduntur pro articulo mortis in Christi amore quod statim ponuntur in patria, non relicta macula expurganda. Secundæ verò animæ habent amorem dispersum ad tempora lia, licet amor Christi in eis præpōderet, habent venialia

expur-

expurganda. Tertiæ animæ, quæ finaliter diligunt temporalia plus quam Christum, statim perpetuam damnationem recipiunt &c. Et primæ animæ vel primi homines vocantur valde boni secundum Augustinum, secundi verò non valde mali, tertij valde mali. Vnde dicit beatus Augustinus: Cùm sacrificia siue altaris, siue quarumcunque eleemosynarū pro baptizatis omnibus offeruntur, pro valde bonis gratiarum actiones sunt; pro nō valde bonis propitiationes sunt; sed pro valde malis etiam si nulla sunt adiumenta mortuorum, tamen qualescumque sunt viuorum consolationes. Hæc ille. Ex iam dictis habetur quibus defunctis prosunt suffragia ad celeriorem liberationem à pœnis: quia aliqui sunt nec valde boni, nec valde mali. Medij qui nec sunt æternaliter damnati, nec actualiter in patria beatificati, sed militantis Ecclesiæ suffragio expurgandi. Nam aliqui saluandi descendunt sic in peccatis, quod non satisfecerant pro cōmissis. *Legat qui vult totum istum locum, & inueniet in ista questione Husium totum Catholicum.*

4. *Tom. 2. fol. 50. b.* Valde malis non prosunt suffragia ad purgandum, alioquin Christus male diceret Matth. 12. quod peccatum in Spiritum sanctum non remittatur nec in hoc seculo, nec in futuro: quia non erit purgatio peccati in plena beatitudine, cùm pœna, quæ est peccati medicina, sit beatitudini opposita, patet quod oportet esse statum medium, & locum meriti, quem Purgatorium nominamus. *Et paulo post.* Ex quo patet quid suffragetur sancti in Purgatorio homini proportionaliter prout meruit in hac via &c.

5. *Ibid. fol. 51.* Licet alternare orando nunc specialiter pro persona, cui orans afficitur, ut sic affectio acuatur, & pro vniuersali Ecclesia, quæ debet plus amari, deuotiùs oretur. Talis enim oratio generalis habet plus ratione meriti, & secundum maiorem charitatem ordinatè profusa, plus iuuat personam in Purgatorio, si ibi est, cui de-
f 2 precans

peccans specialiter obligatur. Deus enim partitur meritum orantis pro passis in Purgatorio proportionaliter, ut ipsi decedentes in maiori gratia amplius meruerunt.

6. *Tom. fol. 90. b.* Duos ignes legimus futuros; unum æternum &c. alterum qui præcedet, quo exuretur facies mundi, qui mundabit eos, qui superædificauerūt lignum, fœnum & stipulam &c. & hic est ignis emendatorius, quo purgabuntur quidam saluandi.

7. *Ibid. fol. 91. b.* Qui lapides preciosos super fundamen-tum ædificant, securi sunt ab igne tam perpetuo, quam purgatorio &c. *Et paulo post.* Alius superædificat in Christo opera bona, sed in ligno, vel in fœno, vel in stipula &c. primi in peccatis venialibus magnis tantum, secundi in minoribus, tertij in minimis: ut primi ardeant in igne Purgatorij diutissimè, secundi verò minùs, tertij minimè.

8. *Tom. 1. fol. 184. b.* ponit pro absurdō nullum hominem ve-nire ad Purgatorium, & concludit tanquam absurdius, non opus esse Vigilijs, Missis Defunctorum, Anniversarijs &c. & omnibus alijs suffragijs.

9. *Tom. 1. fol. 198.* Ecclesia dormiens est numerus præ-destinorum in Purgatorio patiens, & dicitur Dormiens, quia ibi existens beatitudinem iam non meretur, eò quod Dei præueniente & adiuuante gratia in præsenti meruit, ut post satisfactionem Purgatorij in patria præ-mietur.

10. *Tom. 2. fol. 206. b.* Ter in Missa dicitur Agnus Dei, propter tres partes corporis mystici Christi: quidā enim sunt in miseria præsentis vitæ in hoc mundo; alij in Pur-gatorio, alij in cælo. Bis ergo dicitur Miserere, propter illos qui sunt in mundo & in Purgatorio: sed, *Dona nobis pacem*, semel dicitur propter illos qui sunt in cælo.

PARAL-

PARALLELVM XLVI.

LVTHERVS.

Matrimonium non est Sacmentum.

CONTRA HVSSIVS.

Vide testimonium primum & secundum Paralleli 18. *vbi expressè semper nominat Matrimonium vnum de sacramētis Ecclesiæ. sicut etiam fol. 101.b. & 100.b. Tom. 2. vbi tripliciter Matrimonium Sacmentum dicit, morale, allegoricum, & anagogicum.*

PARALLELVM XLVII.

LVTHERVS.

Cælibatus Sacerdotum est contra Scripturam, nec votum de eo factum valere debet.

CONTRA HVSSIVS.

1. *Tom. 1. fol. 55.b. Caſtitatem maximè tenentur seruare Clerici vltra cōmunem populum, tum ratione Diuini præcepti, tum ratione voti proprij, tum ratione sanctissimi Ministerij, tum ratione vtilis exempli.*

2. *Ibid. fol. 66. Specialiter cautus esto (Martine sacerdos) in confessionum auditione, ne laqueo luxuriæ capiaris, quia te spero esse virginem caſtum Deo consecratum.*

3. *Tom. 2. fol. 25. Caſtitas sacerdotalis est potestas presbyteri ordinatè deprimendi se, & inferiores, intra gradum delectationis eis licitum. Ibid. fol. 26.b. & 33. dicit Sacerdotibus scriptum esse, Sint lumbi vestri præcincti. tunc autem secundum B. Gregoriū lumbos præcingimus, cùm carnis luxuriam per continentiam coarctamus.*

4. *Ibidem conqueritur de plebanis cōcubinarijs & sacerdotibus, qui coutuntur mulierculis, & vult ut Episcopus*

f 3 carce-

PARALLELA DOCTRINAE
carceretales Clericos mundos faciat & purget, sicut in ea-
dem Tom. fol. 34.

5. *Tom. 2. fol. 53.* Ovtinam pensaremus istud secundum mandatum Domini, tunc enim nō accederemus habentes maculam criminis ad offerendum hostias Corporis Domini, dimitteremus, & fugeremus mulieres, & prostibula plus quàm veteris testamenti Aaronici incendemus, vt sancti essemus &c.

6. *Tom. 1. fol. 57.* Cūm Plebanus factus fueris, caue ne iuuenem coquam habeas, ne plus casam ædifices quàm animam.

7. *Ibid. fol. 59. b.* In domum tuam causa cuiuslibet rei mulieres ne intromittas, neque crebriora habeas cum illis colloquia, vt vitetur offendiculum. *Et paulo antè.* Iuuenulas mulieres omnimodè fuge, nec credas religioni ipsarum.

8. *Tom. 2. fol. 30.* Reprehendit Hussius Sacerdotes, qui carnaliter filios generant. & fol. 44. ait ad Sacerdotes, Accipite Spiritum sanctum per continentiam, quia sic extinguetis spiritum luxuriæ.

9. *Ibidem fol. 44. b.* Pro proprietate salis in Sacerdote ponit carnem à lubricitate luxuriæ constringere, iuxta id Matth. 19. Sunt Eunuchi qui seipso castrauerunt propter regnum cælorum.

10. *Ibid. fol. 100. b.* Ordo est impedimentum Matrimonij: quia Clericus in maioribus ordinibus non debet matrimonium contrahere, quia votum fecit.

PARALLELVM XLVIII.

LVTHERVS.
Virginitas melior vel sanctior non est Matrimonio.

CONTRA HVSSIVS.

1. *Tom. 2. fol. 103.* Virgo magis cogitat de ijs, quæ Domini sunt,

ni sunt, quām coniugata, scilicet vel regnum cælestē, gaudium: merces magna virginitatis.

2. Ibid. b. Bonum est homini esse sine uxore, honestū propter puritatem, delectabile propter libertatem; utile propter mercedem, quia ei debetur Aureola, & fructus centesimus, de quo Luc. 8. sic Augustinus ait: Supergreditur Virginitas conditionem humanæ naturæ, per quam homines Angelis assimilantur. Maior est tamen victoria Virginum quām Angelorum. Angeli enim sine carne vivunt, Virgines in carne triumphant.

3. Ibid. Magis expedit, Continentiæ seruare propositum, quām nubere, & hoc ratione maioris sanctitatis. Et est argumentum tale, Studens sanctitati & amori Dei preferenda est cogitanti quæ sunt mundi, Mulier innupta est huiusmodi, Ergo &c.

4. Ibid. fol. 104. Hic ostendit S. Paulus, licet utrumque sit bonum, tamen virginitatem esse meliorem matrimonio. Item status coniugalis honestus est, sed minus quām continentia. Augustinus in glos. Non Matrimonium turpe esse monstrauit, sed quod honestius erat, generalis honesti nomine commendauit. Iterum paulo post inquit. Quomodo igitur non est eligendus status continentię, in quo est maius cōmodum, (dicit enim, ad utilitatem vestram.) minus periculum (quia dicit, non ut laqueum iniijciam) maior honestas, (quia dicit, quod honestum est) liberior facultas seruendi Deo, (quia dicit, quod facultatem præbeat) minus impedimentum repræmiandi, (quia dicit, si ne impedimento.

5. Ibid. Qui non iungit, melius facit, Gloss. Melius facit, qui apud Deum meritum sibi collocat, & à seculi solitudine liberat eum &c. Bonum est pudicitia cōiugalis, sed melius continentia virginalis vel vidualis. Hæc glossa.

6. Ibid. b. Ex quo colligitur, quod est consilium Spiritus sancti, & per consequens totius increatæ Trinitatis, statum continentia obseruare.

7. Ibid.

7. *Ibid. fol. 102. b.* In coniunctione Matrimonij, de se non est peccatum, quamuis in actu Matrimonij non cito deerit peccatum. *Postea fol. 103.* Virginitas est sanctitas animæ & corporis.

PARALLELUM XLIX.

LUTHERVS.

Monachi & Sanctimoniales nubere possunt quando volunt, & Votum non impedit nuptias, & vouere castitatem impium est.

CONTRA HVSSIVS.

1. *Tom. 2. fol. 103. b.* Nota secundum Hieronymum, quod virginitatem videntibus non solum nubere, sed etiam velle nubere, peccatum est.

2. *Ibid. fol. 100. b.* Votum Deo factum ad continentiam seruandam, impedit ne persona contrahere matrimonium possit, & retractat iam iuncta cōnubia. *Et rursus.* Plenè legitimæ sunt nuptiæ, quas non impedit votum continentiae, vel ordo, vel cognatio &c.

3. *Ibid. fol.* Clericus in maioribus ordinibus non debet contrahere, quia votum fecit: & si contrahat, non vallet. *Vbi Versiculos apponit.*

Error, conditio, votum, cognatio, crimen,
Cultus disparitas, vis, ordo, ligamen, honestas,
Si sis affinis, si fortè coire nequibus.
Hæc socianda vetant, connubia iuncta retractant.

4. *Ibid. fol. 102. b.* Virginitas est res voti, non præcepti, imperari non potest.

5. *Tom. 2. fol. 33. b.* Omnes fornicatores Clerici sunt sacrilegi, voti, & iuramenti præstiti transgressores, & sic filii Belial &c. imò quilibet Sodomita &c. & omnis corruptor sacrilegus, id est personæ per votū Deo dedicatae ad continentiam &c. peiora eligit de carnis operibus, & potest hæreticus appellari.

6. *Tom.*

6. Tom.1. fol.55. Ratione voti proprij ultra cōmunem
populum tenentur Clerici maximē seruare castitatem.

PARALLELUM L.

LVTHERV.S.

Spiritualis cognatio nihil impedit in Matrimonio.

CONTRA HVSSIVS.

Tom.1. fol.33.b. Omnis corruptor sacrilegus, id est, spiri-
tualis filiæ violator enormis, eligit peiora de carnis ope-
ribus, & potest hæreticus appellari.

PARALLELUM LI.

LVTHERV.S.

Extrema Vnctio non est Sacramentum, nec in Eccle-
sia usurpari debet.

CONTRA HVSSIVS.

1. Tom.2. fol.147.b. Infirmus debet à presbytero vngi
oleo consecrato, & quando vngitur, inuocetur nomen
Domini.

2. Tom.2. fol.148.b. Vngentes eum, (scilicet infirmum)
ex quo patet quòd & oleum & vncio est efficacia huius
Sacramenti. Oleo scilicet consecrato in nomine Domini.
Glossa, quando vngitur, nomen Domini inuocatur.
Et alia glossa; formam consecrationis ostendit. Sed qua-
re non additur hīc, oleo balsami, sicut in Baptismo, &
Confirmatione? Solutio. Baptismus est intrātium, Con-
firmatio pugnantium, à quibus exigitur bona vita pro se,
& fama pro alijs. Ideo vnguntur chrismate, chrismate
consecrato ex balsamo propter odorem bonæ famæ, &
oleo propter nitorem conscientiæ: His autem qui con-
soltio hominum subtrahuntur, sufficit bona conscientia.
Ergo patet bona solutio.

g

3. Ibid.

3. *Ibid. fol. 149.* Videtur quod non referat à quocunque hoc Sacramentum (extremæ Vnctionis) detur. Solutio. Quantum ad vunctionem non refert, sicut etiam in alijs Sacramentis: sed huic annexa est oratio, quæ maiorem habet efficaciam in quibusdam. Fuit autem hoc Sacramentum institutum ad alleuiationē infirmi & remissionem peccati. *Paulo post.* Si in peccatis est infirmus, indignè suscipit hoc Sacramentum, quod semper impetrat remissionem peccati quantum est de se, quia est Sacramentum nouæ legis, ideo efficit quod figurat &c. hic patet quod illa alleuiatio non est res sacramenti, sicut remissio peccati. Et si obijcitur, quod est Sacramentum nouæ legis, ergo semper efficit quod figurat, ergo semper alleuiat. Solutio. Sacramentum nouæ legis non omne quod figurat, efficit, sed aliquod.

4. *Ibidem.* Sed quare hoc Sacramentum non datur nisi à sacerdotibus. Solutio. Quia est supplementum pœnitentiæ, quæ à solis sacerdotibus imponitur. Eadem ratio est quare detur infirmis &c. ut queratur auxilium gratiæ, quæ datur in Sacramento.

5. *In proximo loco extrema Vnctio decies & quater nominatur Sacramentum, & sub finem dicit Huius, Institutum esse ab Apostolis, & ideo recipi oleum, quo facienda est.*

PARALLELVM LII.

LVTHERVS.

Consecratio altarium & Ecclesiarū est res nugatoria.

CONTRA HVSSIVS.

Tom. 2. fol. 31. Innocentius Papa respondet in uno volume, & ponitur post eum 1. quæst. 3. cap. fin. Si quis, inquit, præbendas, vel Prioratum, vel Decanatum, vel promotionem aliquā Ecclesiasticam, seu quodlibet Sacramentum, & consecrationes Altarium vel Ecclesiarum

LUTHERI ET HVSSI.
rum &c. per pecuniam acquisiuit, nota infamia percel-
latur.

51

PARALLELVM LIII.

LUTHERVS.

Diua Virgo sanctior non est, quam quis priuatus Chri-
stianus; sed fuit æquè peccatrix ac nos.

CONTRA HVSSIVS.

1. Tom. I. fol. 51. b. Diua Virgo est reparatrix generis hu-
mani, Regina cœli, quæ ex titulo gratiæ naturæ superad-
dito angelicam naturam superat, quæ inter omnes bea-
tos citra suum filiū, est beator singulari priuilegio, glo-
riosior gratia, & dotibus gloriæ fœcundior, de cuius ple-
nitudine (ait Bernardus) accipiunt vniuersi ægri curati-
onem, tristes consolationem, peccatores veniam, iusti
gratiam, Angeli lœtitiam, filius Dei humanam carnis sub-
stantiam, tota Trinitas gloriam.

2. Tom. I. fol. 146. Diua Virgo post Christum est singu-
laris persona super omnes choros Angelorum, & super
qualibet singularis persona post Christū ratione sui me-
riti, quo meruit Saluatorem gignere, nutrire, & imitari
in moribus & martyrio proximè. Et paulò pōst. Virgo Ma-
ria maior est post Christum in regno cœlorum qualibet
persona alia creata post Christum.

3. Ibid. Sancta Virgo est Regina mundi, Angelorum
Domina, & porta cœlestis, mater gratiæ, mater miseri-
cordiæ.

4. Ibid. S. Petrus non audet nec vult se extollere su-
per Virginem gloriosam.

5. Ibid. fol. 147. b. Ex S. Bernardo. Ipsa est Virginis nostræ
gloria singularis & excellentia prærogatiæ Mariæ, quod
filium unum cūdemque cum Patre meruit habere com-
munem. Et paulò pōst. Maria inuenit humano generi gra-
tiam, quam Eua perdidera &c.

g 2

6. Ibid.

6. *Ibid. iterum ex S. Bernardo.* Nulla materia plus deterret paruitatem ingenij mei, nulla est quam plus aggredi verear, quām vbi loquendum est de gloria S. Virginis.

7. *Ibid. fol. 148.* Deus verbum eius in corde Mariæ conferēs, ipsam super omnes Apostolos impleuit efficaciūs, propter quod Beatam eam dicent omnes generationes. Vnde & facta est post suum filium, primum medium humano generi ad saluādum. Ipsa siquidem reparatrix humani generis & porta cœli, quia genitrix Dei facta est, & Angelorum Domina, sine cuius suffragio impossibile est saluari aliquem peccatorem.

8. *Ibid.* Benedicta Maria, quæ omnibus saluandis profuit; Benedicta Maria Virgo, quæ regnat super omnes choros Angelorum & (vt sequitur) super Cherubin & Seraphin.

9. *Ibid. fol. 148.b.* Virgo Maria contriuit caput serpantis, & secura de immarcescibili gloria, Regina mudi gaudet super Angelos Benedicta in secula.

10. *Tom. 1. fol. 170.* Maria post Christum hominem est sanctissima, & super omnes alios Sanctos excellētissima.

11. *Tom. 2. fol. 340.b.* Virgo Maria ex eo, quod ipsa Christum genuit, constituit se dignā exaltatione super omnes choros Angelorum & hominum infra Christum.

12. *Tom. 2. fol. 103.* Mater Christi subiuit supremum gradum Virginitatis, & usque ad mortem seruata fuit à corruptione carnis, quam infert aëtus venereus.

13. *Tom. 1. fol. 146. b.* Matrem suam Christus superexaltauit, & super omnes cœlos locauit, & sibi cōcathedrauit. *Vbi ascribendum viderur carmen, quod Husseus Ouidij per errorem esse credidit, tamen totum approbauit, & in librum suum trāscripsit: ex quo tanquam in uno aspectu videri Hassij sententia de S. Virginē potest. Illud igitur sic habet.*

O Virgo fœlix, ô Virgo significata

Per stellas vbi spica nitet, quis det mihi tantum

Viuere, quod possum laudum fore præco tuarum?

Nam

Nam nisi tu perfecta forces, non eligeret te
Hic Deus omnipotens, ut carnem sumeret ex te,
Vniretque sibi, nisi digna fores, etiam quod
Filius ille tuus postquam surrexerit, & de
Morte triumpharit, te vellet honorificare,
Te superexaltans cælosque locans super omnes,
Et sibi concathedrans: ubi namque locauerit illam
Electam partem carnis, quam sumpserit ex te,
Et carnem, de qua fuerit sua sumpta, locauit.
Fas etenim non est quod postquam portio carnis
Vna tuae fuerit sic cum Deitate locata,
Relliquias alibi locet, ut sua diminuantur
Munera circa te, dum quod bene coepit hac in
Parte tui, non in te tota prosequeretur.
Nam contracta manus tanta est indigna datore,
Perfectum perfecta decent, absit quod apud quem
Plena potestas est, det dona recisa,
Quam vult sublimare creaturam super omnem.
Sed nec ad hoc quod sic prælata resurgat oportet
Expectare statum motus in fine dierum,
Quando resurrecti sunt generaliter omnes:
Præsertim cum sit illi carni specialis
Causa resurgendi, quæ materialiter illam
De se deducit carnem, quæ primò resurget,
Vnde resurgendi vis propagabitur ad nos.
Nec fas est etiam, quod eatenus in minus alto
Sistatur suus ordo gradus, quia quam Deus ante
Secula donandam tanto præuidit honore,
Non opus est, ut eam velit exaltare gradatim,
Sed simul assumet, simul & sibi concathedrabit.
Illic esto tui memorum memor optima Virgo,
Maxima quem per te dilectio traxerit ad nos,
A nobis ipsis sit gloria laudis, ab ipso
Gratia sit nobis, & metæ nescia vita.
14. Tom. 2. fol. 83. b. Triplex est sanctificatio: quædā com-
munis,

munis, quæ fit per Sacra menta, & ita Corinthij fuerunt sanctificati, quia per Baptismi susceptionem sancti facti: quædam est specialis, quæ fit per gratiam Spiritus sancti: quædam specialissima, ut quæ fit per gratiam singularem. Prima remouet culpam, non tamen remouet fomitem, qui est pronitas ad peccatum. Secunda remouet culpam & pronitatem ad peccandum mortaliter, & talis fuit sanctificatio Ioannis Baptistæ in utero, & Ieremiæ. Tertia remouet culpam originalem & pronitatem ad peccandum tam venialiter quam mortaliter, & talis fuit in B. Virginie.

15. Tom. 2. fol. 198. Notandum quod excepta Virgine gloriose, quæ (post annunciationem sui benedicti filij) ab omni peccato immunis fuit, omnes alii sub ista sententia S. Ioannis inclusi sunt. Vnde Augustinus de Natura & gratia ait: Excepta B. Virginie Maria, de qua propter honorem Domini, nullam prorsus, dum de peccatis agitur, voluntio habere questionem. Inde etiam scimus quod plus ei gratiæ collatum sit ad vincendum ex omni parte peccatum, quod concipere & parere meruit illum quem constat nullum habuisse peccatum. & subdit, Hac virgine excepta, si omnes sanctæ congregari possent, & quereretur ab eis, an peccatum haberent, quid responderent, nisi quod Ioannes ait, Si dixerimus quod peccatum non habemus, ipsi nos seducimus. quod tamen (ut sequitur) intelligendum est de veniali.

PARALLELVM LIII.

LUTHERVS.

Diuam Mariam inuocare non licet.

CONTRA HVSSIUS.

1. Tom. 1. fol. 51. b. Rogo pro meis accusatoribus Virginem castissimam (semper Virginem dicit paulo post) genitri-

nstricem Saluatoris, reparatricem generis humani, Reginam cœli &c. ut est in primo testimonio prioris Paralleli, quod lege totum &c.

2. Maria Virgo est aduocata & mediatrix, & quodammodo causa incarnationis, passionis, & resurrectionis Christi, & per consequens causa saluationis totius omnium saluâdorum. Vnde canit Ecclesia: Paradisi porta per Euam cunctis clausa est, & per Mariam virginem iterum patefacta est. Per hanc igitur Virginem castissimâ & mediatrixem, sed per mediatorem Christû filium eius principaliter credentes & sperantes remissionem peccatorum exspectemus & resurrectionem nostram cum gaudio, & post hanc vitam, vitam sempiternam &c. ad quam vos dignetur deducere omnipotens Pater, Filius, & Spiritus sanctus in secula seculorum. Amen.

3. Tom. 2. fol. 199. Filioli, hæc scribo vobis, ut non peccatis. Sed si quis peccauerit, habemus (scilicet nos fideles) aduocatum apud Patrem Iesum Christum iustum (scilicet in causis animarum, non possessionum.) Nec solùm aduocatum, imò etiam Aduocatam. Vnde & canimus, Eia ergo Aduocata nostra &c.

4. Tom. 1. fol. 146. b. Contra Sacerdotes qui propter sacrificium Missæ, quod offerunt, volebant, etiam si cœlesti essent, videri digniores S. Virgine, sic exclamat Hussius: Et miror quare Sacerdotes, cùm esse velint Virgine matre digniores, inuocant eius auxilium dicentes, Concede nos famulos tuos &c. Gloriosa B. Mariæ semper Virginis intercessione à praesenti liberari tristitia. Similiter dicentes, Maria mater gratiæ, mater misericordiæ, Tu nos ab hoste protege, Tu in hora mortis suscipe. Haha nequam & superbe Sacerdos, audes intercessionem, protectionem & susceptionem à matre Redemptoris dignissima petere, & in terris quenlibet Sacerdotem pessimum & te ipsum super Regina mundi, Angelorum Domina, & porta cœlesti, ex corde auaro & luendo exaltare?

5. Tom.

PARALLELA DOCTRINAE

5. Tom. I. fol. 147. b. Maria inuenit nobis gratiam, quam
Eua perdiderat &c. Igitur supplex & humilis curre ad
Mariam Virginem, quia nisi filius eius per eam tibi resti-
tuerit gratiam, perdes & vitam æternam.

6. Ibid. Utinam possemus mente deuota super omnes
cælos ascendere, ut Virginis sacratissimæ possemus Inter-
cessionibus peccatorum veniam obtinere.

7. Vide testimonium 7. 8. & 9. præcedentis Paralleli, & lege ac-
curate.

PARALLELVM LV.

LUTHERVS.

Canticum Salve Regina, est blasphemia in Deum.

CONTRA HVSSIVS.

Laudavit & vsus est hinc inde. Vide omnia testimonia præceden-
tium duorum Parallelorum, & præsertim tertium Paralleli 53.

PARALLELVM LVI.

LUTHERVS.

Papistæ corrumpunt locum, Ipsa conteret caput tuū.

CONTRA HVSSIVS.

Ipse isto loco vitetur Tom. I. fol. 148. b. Maria contruit caput
serpentis, & secura de immarcescibili gloria. Vide supra
Parallelo 53. testimonio nono.

PARALLELVM LVII.

LUTHERVS.

Cantio, Maria mater gratiæ, mater misericordiæ, tu
nos ab hoste protege, in hora mortis suscipe. Item Can-
tio,

tio, Concede nos famulostuos &c. habēt in se maximam blasphemiam.

CONTRA HVSSIVS.

Expressè ponit & laudat in testimonio quarto Paralleli 54. Nota Epitheta Huſſij, quibus ornat S. Virginem in locis præscriptis, Virgo castissima, & quidem supremo gradu semper Virgo glorioſa, Reparatrix generis humani Regina cæli, ſuperans angelicam naturam gratia, Beatior omnibus beatis, excepto filio, Curatrix ægrorū, Consolatrix tristium, de cuius plenitudine accipiunt peccatores veniam, Iusti gratiam, Angeli lætitiam, tota Trinitas gloriam, ſingulare ſupra omnes choros Angelorum, ſuper Cherubin & Seraphin. Proxima Christo in moribus & in martyrio, & concathedrata Christo, Regina mundi, Domina Angelorum, Porta cælestis, Mater gratiæ, mater misericordiæ. Inuentrix gratiæ pro humano genere. Primum medium post filium Christum humano generi ad ſalvandum, Excellētissima ſuper omnes Sanctos, Aduocata noſtra, Mediatrix, Cauſa quodāmodo ſaluationis totius omnium ſaluādorum; Quæ remiſſionem & veniam peccatorum, & vitam æternam nobis impetrat, Quæ protegit ab hoſte, fuſcipit in morte, Vixit ſine omni peccato veniali & mortali. Item per quam Christus gratiam nobis reſtituit, ſine cuius ſuffragio impoffibile eft ſaluari aliquem peccatorem; Quæ omnibus ſaluandis profuit, Quæ contriuit caput ſerpentis, Benedicta in ſecula. quæ omnia in præcedentibus Parallelis, ubi ſcripta ſunt, offenduntur.

PARALLELVM LVIII.

LVTHERV S.

Sancti post mortem dormiunt, nesciunt, Quid hic fiat,
nec curant nos. In Comment. in cap. 9. Ecclesiasticæ.

h CON.

PARALLELA DOCTRINAE
CONTRA HVSSIVS.

1. *Tom. 1. fol. 51.* Triumphans & militans Ecclesia habet cōmunionem iuuaminis & amoris. *Et postea.* Ex quibus sequitur, quod Sancti in patria iuuāt electos in militante Ecclesia, gaudentq; de corū pœnitentia & vita meritaria.

2. *Ibid. b.* Nunquam negauit Sanctorum suffragia & respectu viuentium, & respectu in gratia mortuorum &c. Si homo sanctus adhuc mortal is, peccatis irretitus venalibus, potest apud Christum Deum alteri, imò toti Ecclesiae militanti pia oratione obtinere suffragium, quis stultus auderet dicere, quod existens cum Christo in gloria, illud non posset? Etenim foret minoris potentia & acceptationis apud regem glorię in gloria, quam fuit in miseria dum viauit.

PARALLELVM LIX.

LUTHERVS.

Sancti iuuocandi non sunt.

CONTRA HVSSIVS.

1. *Tom. fol. 65. ex carcere.* Petrus & Paulus regnant iam cum Rege supremo, iam intersunt choris Angelorum; Ipsi ergo gloriosi martyres, sic iuncti Regi glorię, dignentur pro nobis intercedere, ut ipsorum Auxilio fortis facti, simus eorum gloriæ consortes, humiliter patiendo.

2. *Ibid. fol. 67. b.* In alia, quam in carcere scripsit, Epistola. S. Ioannes Baptista dignetur orare pro nobis Dominum Iesum Christum. Amen.

3. *Vide de S. Mariae iuuocatione in Parall. 54. testimonia omnia.*

4. *Tom. 2. fol. 343.* Possunt homines corā imagine cuiusque Sanctigenū flectere, orare, & non in nomine imaginis, sed in nomine illius, cuius imago est.

5. *Tom. 2. fol. 263. b.* Vocat SS. Martyres ex Maximo Episcopo principes fidei, Intercessores mundi, præcones regni, &c.

PARAL-

PARALLELVM LX.

LVTHERVS.

Merita Sanctorum, & omnino aliena merita nos non
iuuant.

CONTRA HVSSIVS.

1. Tom.1.fol.69.in epistola ex carcere ante mortem. Ego adhuc spem habeo, quod Deus omnipotens potest me eripere Sanctorum meritis de manibus inimicorum.

2. Tom.2.fol.70.b. Vnus est mediator Dei & hominum, reconcilians homines Deo, vnum scilicet per se & effectuè: Tamen & alij Sancti possunt esse mediatores inter Deum & homines non per se & effectuè, sed dispositiùè per vitam bonam & doctrinam &c. quale medium sunt Moyses & Noë. Hinc Christus insinuat Luc.16. Facite vobis amicos de mammona iniquitatis, ut cum defeceritis, recipiant vos in æterna tabernacula. Per quod manifestè ostenditur, aliquos deficere, & sibi ex proprijs non sufficere: qui tamen benefaciendo alijs, eorum possunt saluari suffragijs.

3. Tom.2.fol.300. Participat quilibet iustus cum quolibet alio iusto in isto, quod quicquid boni fecerit alius iustus, omne illud prodest cuilibet. Verbi gratia, si vnam orationem Dominicam dicit dignè aliquis iustus, tunc in illa oratione omnes sancti participant siue communicant cum omnibus prouenit ad usum. Nam sanctis in patria prouenit ad maius gaudium; purgandis siue dormientibus in Purgatorio ad poenitentiam, & ad citorem liberationem; Viatoribus sanctis ad peccati mitigationem, euasionem, purgationem, in omni bono confortationem, etiam ad meritum beatitudinis consequendæ. Et ista participatio vocatur Sanctorum communio, siue communicatio, de qua in Symbolo dicitur, Credo sanctorum communionem.

h 2

PARAL-

PARALLELVM LXI.

LUTHERVS.

Reliquiae extirpandae sunt.

CONTRA HVSSIVS.

1. *Tom.1.fol.190.* Notandum quod tria sunt genera reliquiarum, de quibus B. Augustinus sic ait: Non sunt contemnenda, sed plurimum reuerenda Sanctorum corpora, quibus Spiritus sanctus (dum adhuc viueret) quasi quibusdam organis ad omne bonum usus est. Et B. Hier. epist. 57. ait: Reliquiae Sanctorum sunt ab hominibus venerandas, & non a fidelibus contemnendas &c.

2. *Tom.2.fol.263.b.* Ex isto patet quod corpora istorum Martyrum sunt honoranda, cum sint ex morte, quae est preiosa in conspectu Domini, sanctificata. Vnde hoc pensans Maximus Episcopus sermone de Martyribus dicit: Quae cum ita sint, honoremus sanctos Martyres principes fidei, Intercessores mundi, precones regni, coheredes Dei. Quid si ita dicas mihi: Quid honoras in carne resoluta iam & consumpta, de quo Deo iam nulla cura est? Et illud ubi est charissimi, quod ipsa veritas loquitur per prophetam, Preciosa in conspectu Domini mors sanctorum eius? Et iterum, Mihi autem valde honorificati sunt amici tui Deus. Honorare seruos Dei debemus, quanto magis amicos Dei, de quibus alio loco dicitur, Dominus custodit omnia ossa eorum, ynum ex his non conteretur. Honoro ergo in carne Martyris exceptas pro Christo cicatrices; honoro viuentes memoria perennitatis virtutes; honoro pro confessione Domini sanctos cineres, honoro in cineribus semina eternitatis; honoro corpus, quod mihi Deus meus ostendit diligere, quod me propter Domini mortem docuit non timere mortem. Cur autem non honorent corpus illud fideles, quod & reuerentur & demones, quod affixerunt in supplicio, sed glorificant

rificant in sepulchro. Honoro itaque corpus, quod Christum honorat in gladio, quodque cum Christo regnat in cælo. *Hec Maximus Episcopus, & ex Maximo Hussius.*

3. *Tom. I. fol. 155. & 156. Vbi Hussius de sanguine Christi disputat, tamen concedit non quidem sanguinem Christi esse in sudario, peplo, cruce, lancea, corona &c. sed esse in illis rubedinem sanguinis Christi relictam in memoriam: Nec obstat quod illa rubedo sine sanguine Christi foret sine subiecto, quia etiam accidentia Venerabilis Sacramenti sunt sine subiecto.*

PARALLELVM LXII.

L V T H E R V S.

Nullam Imaginem adorare licet.

C O N T R A H V S S I V S.

1. *Tom. 2. fol. 341. b. Vtrū liceat Christianis aliquas imagines adorare. Et videtur quod non, quia Exodi 20. dicitur, Non facies tibi sculptile, imaginem & omnem similitudinem. Ad oppositum & ritus Ecclesiæ & Damascenus est. Addit ex Holcoth. Quia tamen per imaginē Christi excitamur ad orandum Christum, & coram imagine adorationem nostram facimus, dicitur largè sumendo, quod imaginem adoremus.*

2. *Ibid. fol. 342. Ecclesia cùm ad imaginem Christi dicit, Aue rex noster; non adorat ipsam imaginem cum his verbis, quia non dirigit verba illa ad imaginem, & specialiter nec intentionem, sed ad suum signatum. Similiter cùm dicit, Tuam Crucem adoramus Domine; dirigit verba ad Christum signans, quia ipsum Christum crucifixum adorat per Crucem.*

3. *Ibid. fol. 343. Ex quo patet, quod quāuis coram imagine Christi, vel alia cuiuscunque Sancti, licite possunt homines genua flectere, orare, offerre, candelas ponere,*

ut sic faciunt: non tamen in nomine imaginis, sed in nomine illius, cuius imago est, illa debent facere. Sicut & imago non propter se, sed propter imaginatum est coram hominibus sculpta, posita vel picta. Secundò patet, quòd non sequitur, Ille homo coram imagine orat, Igitur imaginem adorat. Similiter non sequitur, Ille osculatur imaginem, Igitur osculo adorat imaginem; Vnde licet tale osculum sit materia latræ, non tamen ipsa latræ, vel Dulia &c. Ex quo tertio patet, quòd falsum est, Quòd adorans Salvatorem osculando imaginem eius, eadem adoratione, quæ est osculum, adorat Salvatorem & imaginem eius, Cùm nullum tale osculum sit adoratio, licet materia adorationis. Quartò patet, quòd licet fidelibus multa signa adorationis exteriora coram imagine Christi, vel alicuius Sancti, facere, quibus non licet adorare eos, vel quæ non licet eis exhibere. Patet istud de peccatorum confessione, de oratione obtinendi veniam peccatorum vel beatitudinem, de gratiarum actione & aliorum diuersorum Munerum oblatione. Vnde quia imago Christi, vel alia alicuius Sancti, non offert se nobis pro se, sed pro illo, cuius est imago, ideo omnis reverentia, quæ fit vel exhibetur coram imagine, illa exhibetur imaginato. Et quòd ad istud sonat superius data authoritas Basilij, quæ dicit, Quòd honor imaginis ad prototypum, id est, ad exemplar peruenit: quia honor factus coram Christi imagine, transit ad Christum, qui est exemplar imaginis.

4. Sic imagines Christi ipse pingi iussit in templo suo Tom. 1.
fol. 71.

PARALLELVM LXIII.

LUTHERVS.

Petrus non fuit Caput Ecclesiæ, nec Vicarius Christi.

CON-

CONTRA HVSSIUS.

1. Tom.1.fol.211.b. Dictum B.Dionysij est verū, quod Petrus fuit Capitaneus inter Apostolos, & fuit fundamen-tum Ecclesiarum, ut in proximo dictum est de Apostolis. Et dictum Augustini etiam est verum, quod Petrus fuit primus inter Apostolos, secundum aliquam prærogati-um. Et dictum Marcelli verum est, quod Petrus fuit Ca-put totius Ecclesiæ, quam regebat doctrina & exemplo. Non autem fuit persona dignior matre Christi; nec erat æqualis Christo, nec constitutus Rector Angelorum, qui tunc erāt triumphans Ecclesia.

2. Ibid. Quare verò Christus Petrum post se Capita-neum & Pastorem constituit, fuit præminentia virtu-tum ad regendā Ecclesiam &c. Petrus enim habuit quan-dam præminentiam in omni genere virtutum, in fide, humilitate, & charitate &c. Ex illa fide accepit Petrus onus præfecturæ Ecclesiæ &c. Secundò ex humilitate ac-cepit Petrus Apostolatus maioritatē, vt quod correptus acutè à Paulo (Gal.2.) humiliiter tolerauit. *Lege totum istud caput.*

3. Ibid.fol.222. Petrus primus Christi Vicarius ab ipso electus & Ecclesiæ spiritualiter deputatus.

PARALLELVM LXIII.

LVTHERV.

Petrus non fuit Romæ.

CONTRA HVSSIUS.

1. Tom.1.fol.207. Viguit sancta Christi Ecclesia primò in Ierusalem tempore Viationis Apostolorū cum Chri-sto habitatium, & post in Antiochia tempore Cathedra-tionis S.Petri, & post in Roma tempore prædicationis & passionis Petri & Pauli.

2. Tom.2.fol.208. Petrus & Paulus vno die, eodem tem-pore

pore sanctam Romanam Ecclesiam consecrauerunt, & alijs vrbibus omnibus in vniuerso mundo tam sua præsentia, quam venerando triumpho prætulerunt.

3. *Tom. 2. fol. 176.* Petrus Epistolam suam Babylonis scripsit. Glos. Romam (Petrus) Babylonem vocat propter cōfusionem multiplicis idololatriæ. *Et rursus paulò post. b.* Salutatur Ecclesia, quæ est in Babylone, id est, in Roma, quam figuraliter Babylonem nominat.

4. *Tom. 1. fol. 207. b.* Petrus Christi Apostolus Romanus Episcopus, vocat Ecclesiam (i. Pet. vlt.) quæ in Babylone collecta est. Ecce ibi Ecclesia sumitur pro Christifidelibus qui erant Romæ cum B. Petro.

PARALLELUM LXV.

LUTHERVS.

Petrus non fuit Papa Romanus.

CONTRA HVSSIVS.

1. *Tom. 1. fol. 210.* Ecce quomodo isti duo Romani Apostoli & Episcopi Petrus & Paulus ex Scriptura ipsum Dominum Christum probant esse lapidem.

2. *Ibidem fol. 207.* Petrus Christi Apostolus Romanus Episcopus &c. *vt suprà testimonio 4. Parall. præced.*

PARALLELUM LXVI.

LUTHERVS.

Papa non est Vicarius Christi.

CONTRA HVSSIVS.

1. *Tom. 1. fol. 170.* Credendum est quod Papa sit immediatus Vicarius Iesu Christi & supremus Sacerdos hic in terris ratione officij, si, & in quantum immediatus imitatur Dominum Iesum Christum, habens auctoritatem

absol-

absoluendi, & excommunicandi, indulgentias dandi, & alia, quæ ad claves pertinent supremè.

2. Sic folio 212. & 222. vocat Papam verum Christi Vicarium, & præcipuum Pontificem Ecclesiæ quam regit. Sed addit Husius de hæresi sua limitationem, Si Petrum in vita imitetur.

PARALLELVM LXVII.

LUTHERVS.

Quadragesimæ iejunium tolli debet.

CONTRA HVSSIVS.

Tom. i. fol. 38. Tu ergo appropinquante Quadragesima, quæ est speciale tempus pœnitentiæ, ut verè pœnitens dole cordialiter. Vide testimonium secundum Parall. 26.

PARALLELVM LXVIII.

LUTHERVS.

Epistola S. Iacobi est straminea, à D. Iacobo nō scripta.

CONTRA HVSSIVS.

Tom. 2. fol. 206. Per os B. Iacobi tanquam per fistulam in ista Epistola Spiritum sanctū loqui testatur, Et ibid. fol. 105. nominat S. Iacobi Apostoli Domini nostri Iesu Christi canonicam Epistolam & sapientiam Dei. fol. 112. & sensum spiritus Patris nostri, & unum spiritum, in quatuor rotis (Ezech. 1.) quæ omnia in Præfatione sæpe repetit, nec unquam dubitare cogitat de Epistolæ præstantia & authore.

PARALLELVM LXIX.

LUTHERVS.

S. Iudæ Epistola non est Apostolica.

CONTRA HVSSIVS.

1. Tom. 2. fol. 230. b. Epistola Iudæ præsertim temporibus antiquis rejeciebatur, quod ex Apocryphis testimoniū

niū sumpsit: sed iam authoritate, & vetustate, & usu Merruit, vt inter sanctas Scripturas cōputetur propter hoc, quia licet de Apocryphis testimonium sumpserit, hoc tamen verum est, quod fateri licet.

2. *Ibid. fol. 226.* ait authorem Epistolæ fuisse Iudā Thadæum beatum Apostolum, fratrem Iacobi minoris Episcopi Hierosolymitanī.

PARALLELVM LXX.

LUTHERVS.

Quicquid prima Ecclesia non habuit pro canonico, non potest Catholicum fieri à posteriori Ecclesia.

CONTRA HVSSIVS.

Vide primum testimonium præcedentis Paralleli 69.

PARALLELVM LXXI.

LUTHERVS.

Indulgentiæ sunt fraudes, & nullius fructus.

CONTRA HVSSIVS.

1. *Tom. i. fol. 9. b.* Hussus in carcere Constantiae ante mortem vehementer negat vñquam se docuisse, quod indulgentiæ nihil sint.

2. *Ibid. fol. 170.* Papa, qui est immediatus Vicarius Christi, habet autoritatem Indulgentias dandi, & alia, quæ ad claves pertinent, supremè faciendi &c.

3. *Ibid. fol. 175. b.* Omnis recipiens indulgentias, de tanto eas recipit, quanto habilior fuerit erga Deum, & *ut postea dicit*, de quanto se priùs disposuerit per gratiam apud Deum.

PARALLELVM LXXII.

LUTHERVS.

Horæ Canonicae sunt nugatoria.

CON-

CONTRA HVSSIVS.

1. Tom. 2. fol. 334. b. Septies in die laudem dixi tibi. Nota, dicit septies, primò ad literam in Matutinis, Prima, Tertia, Sexta, Nona, Vespera, & Completorio. Secundò, septies, id est, perfectè.

2. Sic Tom. 1. fol. 73. b. scribit quomodo in carcere transigat tempus; ubi hos versus rudes ascribit.

Nocturnus gradus, Litaniæ, singulæ Horæ,
Carceri sunt breues, Vigiliæ dicere leues.

3. Tom. 2. fol. 299. dicit noctu surgendū & orandum esse, quia media nocte liberati in Aegypto Israelitæ, agnus paschalis immolatus, Christus incarnatus, Christus blasphematus, & Christus infernum destruxit, Sanctos de limbo eduxit.

PARALLELVM LXXIII.

LUTHERVS.

Nulla sunt consilia Euangelica, & supererogationis opera pugnant cum Christi doctrina.

CONTRA HVSSIVS.

1. Tom. 2. fol. 243. b. Vnus dicitur alio perfectior, in quantum non solum seruat mandata, quæ sunt necessitatis, sed etiam consilia, quæ sunt supererogationis, & sic dicit Christus Matth. 19. Si vis perfectus esse, vade, & vede omnia quæ habes, & da pauperibus, & veniēs sequere me.

2. Ibid. fol. 102. Bonum est non nuptis & viduis, si sic permanescint, sicuti ego, (inquit S. Paulus) ubi de bono supererogationis, non necessitatis, loquitur.

PARALLELVM LXXIIII.

LUTHERVS.

Excommunicatio Pontificis contemni debet.

CONTRA HVSSIVS.

1. Tom. 1. fol. 193. b. Timenda est pastoris sententia, siue

i 2 sit iu-

68 PARALL. DOCTR. LVTHERI ET HVSSII.

fit iusta, sive iniusta, ideo pensare debet subditus, quod habeat timorem.

2. Tom. 2. fol. 345. b. & 346. negat iam moriturus Husius se contempnisse Pontificis Excommunicationem, sed publicè in Concionibus appellasse ad iudicem. Quod idem est Tom. 1. fol. 17. b.

3. Tom. 1. fol. 18. b. Coram Concilio Constantiensi fatetur, etiam iniustum excommunicationem esse timendam; & octo causas, vel etiam plures esse, quare Excommunicatio timeri debeat.

FINIS.

ERRATA quæ vitio Exemplaris in Parallelis admissa sunt,
quo sequitur modo corrigantur.

Pagina 1, lin. 26. lege fides etiam sine opere 3, 1. & iterum, sine 11. Beatus es Simon 15. præcipuum Dei & quasi 4, 6. spes, nec 5, 16. formatæ fidei 6, 28. pro viatione sua 7, 5. rationalis vel 11. iusti facti estis 20. nobis, iustitia. 8, 24. in re 10, 2. seipsum viando 4. sunt meriti 8. tolerentur 22. necessitates vel miseriæ: 11, 2. meritum eius. 5. agimus, 12, 1. sequentibus per 13, 15. dependent 14, 25. hominem. Prauum est 26. hominis & 16, 4. scilicet, quod 9. audiunt 20. dedueme 31. (scilicet gratia 33. (id est, firmiter 17, 16. requiritur fidelitas & ad fidelitatem requiritur 18, 1. ut dictum est, 19. manam finis 28. et si postea &c. idem Husius. 31. fol. 275. b. 19, 8. Distinctio peccati 20, 2. Secundò dicitur Gratia 9. triplex, præueniens 21, 32. Ordinationem multis locis. Expressè 23, 13. vbi quanquam 17. 148. b. 25, 13. plana & 14. plana, ut 15. peccatum scienter 26, 5. & hæc 18. dicit & 27, 31. Imò sit 29, 25. opto ut 26. dignè celebrem 30, 16. ptonis omnium purgandorum. 31, 17. Obtulit enim 18. cui dicitur 34, 2. aliqui sunt honores 35, 19. inimici mendaciter 40, 22. cert, quod 41, 1. Beatitudinis consequendæ. 11. Ecclesiam militantem; minor in nixa suppositæ significat Ecclesiam 42, 25. è corpore 43, 9. de malis 14. sed Medij, qui 22. non remitterur 23. futuro. Ibidem, quia 27. pater quod 29. ruit hic in via 44, 4. Tom. 2. 45, 6. de septem 47, 1. scilicet regnum 49, 27. christiane consecrato 50, 26. Consecratio sacerdotum, al- 32. cramentum Ecclesiasticum, vt potest Christma, vel oleum sanctum, 51, 5. quam quis 9. superad dit, 19. singulari 30. excellens prærogativa 52, 6. dicunt 53, 15. tanto est 19. quod sit 27. ordo gradu, 34, 22. omnes sancti & sanctæ 55, 14. nos dignetur 57, 30. dormiunt, & 58, 20. Rege superno, 60, 32. quod reue- 61, 20. ad ado- randum 62, 1. & sic 64, 7. Salutat vos Ec-